

Ա Ն Հ Ա Խ Ա Տ Լ

I

Որսու շատ աջող էր:

Ես չը նկատեցի, թէ ինչպէս անցաւ օքը, ինչպէս անցայ Մեծ-Առուն, որ մեր գիւղի դաշտերի հեռաւոր սահմանն էր և որից այն կողմն առհասարակ վտանգաւոր էր շրջել ուշ երեկոյեան և մանաւանդ գիշերը։ Մասիսը հեռու չէր. նրա փէշերը կազմող բազմաթիւ ամայի բլրակները տարուայ այս ժամանակ աւազակների բոյն են դառնում—քիւրդ ու թուրք վխտում են այնտեղ։ Բայց ես այդ մասին չէի մտածում, որսով յափշտակուած էի և ուրախ։ Ես հրճուանքով էի նայում, թէ ինչպէս լորերը փռուալով բարձրանում են շամս առաջից և հրացանի պայթիւնից յետոյ՝ թրպը տալով վայր ընկնում։ Ով որսորդ է, նա միայն կը հառկանայ, թէ ինչքան մեծ է այդ լորեկի հաճոյքը, երբ վիրաւոր թռչունը մի յուսահատ թափով վերջին անգամ շեշտակի դէպի վեր է ձգւում, կարծես անհունութեան մէջ գրկութիւնը վնարելով և անիծելով երկիրը, ապա հաւասարակռութիւնը կորցրած՝ անկանոն պտոյտներ է գործում, թեերն իրար են խառնուում և ընկնում է խոտերի մէջ կամ ուժասպառ ու արիւնաքամ կամ մեռած։ Նունն ուրախ ոստիւններով վրայ է վագում, բերնով վերցնում և բերում, և ինչ որ տարօրինակ է և տիսուր, որմն այնուհետեւ իր հետաքրքրութիւնն ու արժէքը կորցնում է, կարծես գերադոյն վայեկի բուգէն միմիայն զօրեղ ցնցման, զոհի մահու-

պայքարի, այն օրհասական բողէն է, երբ տաք արխման է հոսում: ինչո՞ւ... է՞հ, գաղանային մի բան կայ մարդու մէջ, որ գլուխ է բարձրացնում ամեն անդամ, երբ առիթը ներկայանում է: Այդ իսկ զգացմունքի հաճոյքը չէր, որ ինձ գրաւել էր: Քանի սն սպանեցի. խեղճ թռչուններն իրար վրայ թափոտուած, գլխիկները՝ թոյլ, կտուցներն՝ արիւնոտ ընկած էին սրսորդական պայիւսակիս մէջ և այդ բոլորի վրայ մի կենդանի լոր դեռ թրպրտում էր թափ ի թափ տալով իր ողջ մացած մի հատիկ թեր:

Մութն ընկաւ. իսկ ես շատ հեռու էի գիւղից, պէտք էր շտապել վերագառնալ: Շունս էլ երեկի այդ էր մտածում: Նա յոդնած էր, լեզուն կախ ծգած՝ հեռում էր, նայում էր ինձ խելացի աշքերով և կարծես հարցնում էր թէ՝ ժամանակ չէ տուն վերագառնալու: Քայլում էի հանդարտ. այժմ միայն զգացի, թէ որքան յոդնած եմ: Օգոստոսի վերջն էր. երկինքը պարզ էր, աստղափայլ, օդը մեղմ էր, համարեա զով. շուրջա միապաղագ լուսութիւն էր տիրում: միայն երբեմն-երբեմն մի չղջիկ արագ պտոյտ էր գործում գլխիս շուրջը, մի վայրկեան աղմկում լուսութիւնը և անցնում: Մի փոքր հեռու մացառների տակից մէկ-մէկ լաւում էր մի ցաւոտ և երկար ճռոց և ապա լուսում: մանկութիւնից ինձ հաւատացրել էին, թէ դա օձի ճռոց է և թէ նա այդ անախորժ ձայնը հանում է ատամի ցաւից: Այդ էր պատճառը, երեկի, որ այդ ձայնը աշխատում էի չը լսել: Խոտերն ու չորացած տերեւները այստեղ այնտեղ մեղմիկ խշոց էին հանում, այնքան մեղմ: որքան դաւադիր երեխաների փսփացն է. ով գիտէ ինչ սողում, ինչ ողորմելի միջատ փորձում էր իր տեղը փոխել, թաւթերով երերում էր խոտը, կամ իրանից հզօրի ճանկն ընկած՝ կամացուկ անկըռում էր: Խաւարի քօղով ծածկուած և խուլ լուսութեան մէջ կեանքը գործում է հզօր թափով, բնութիւնը երբէք քուն չունի:

Շունս վազում էր առաջիցս. որ և է շուկ լսելի:

նա կանդ էր առնում մի վայրկեան, ականջ էր դնում
ուշագրութեամբ, ապա դառնում էր ինձ նայում հար-
ցական եղանակով. տեսնելով՝ որ տէրը ոչ մի շարժում
չէ անում, ձայն չէ հանում, կրկին շարունակում էր
ճանապարհը։ Բաւական գիշեր էր անցել արդէն, երբ
ես մօտեցայ գիւղի բօստաններին. կենդանութիւն կար,
երգ, ծիծաղ, խօսք, զրոյց. պահապանները շատ էին.
Այսպէս է մեր կողմերում. ամեն ինչ պահպանել է
հարկաւոր, արդար վաստակի թշնամին շատ է, որով-
հետեւ անարդար վաստակով ապրողները բազմաթիւ են.
Երբ դաշտերում բարիք կայ, քիւրդը լեռներից է ցած
դալիս, աւաղակ թուրքն իր բնից է դուրս սողում;
պէտք է պահել արտը, այդին, բօստանը, բամբակը...
ամեն ինչ։

Հեռու կրակ էր երեսւմ. բոցը մերթ մեծանում,
մերթ փոքրանում էր, հազիւ լուսաւորելով մի քանի
մարդկային ուրուագծեր. երեխ բօստանչիներ էին իրար
մօտ հաւաքուած և ինչ որ եփում էին. Սիրուն բան է
կրակը գիշեր ժամանակ, խուլ դաշտում, մանաւանդ-
երբ մարդ յոգնած է և մօտալուտ վտանդի. գիտակ-
ցութիւնից կենդանի արարածի կարօտ է զգում։ ես
ճանապարհս շեղեցի և ուղիղ դէպի այդ կրակը դիմեցի։

—Բարի երեկոյ։

—Օ՛, Աստուծու բարին, ասացին նստողները. արի,
արի, զոքանչի սիրած ես, հազիւ եփեցինք՝ վրայ հա-
սար. նստիր, բախտի բան է։

Երեք հոգի էին, մեր գիւղացի երիտասարդներ.
Երեքին էլ ճանաշում էի, մանկութեան խաղընկերներ
էինք, ինչեր էինք արել միասին հէնց այս դաշտերում։
Կեանքը մեր ճանապարհները զատեց—նրանք մնացին
գիւղում, շարունակեցին իրանց հայրերի պարապմունք-
ները, խաղաղ, աշխատաւոր հողագործներ դարձան-
նրանք ամբողջ օրը այրող արեկ տակ, դաշտերում,
կալերում աշխատելուց յետոյ, այժմ էլ ստիպուած էին
անքուն մնալ՝ իրանց արդար վաստակի պտուղները

պահպանելու համար։ Գիշերային միայնութեան ձանձրոյթն ու քունը փախցնելու համար՝ մօտիկ բօստաններից նրանք իրար մօտ էին հաւաքուել, կրակ արել և փեղամներ էին խորովում։ դրաւիչ աշխատանք էր, իւրաքանչիւրը փայտեայ ձողի ծայրին մի հատ փեղամցցած՝ մեկնել էր կրակի վրայ, դարձնում էր այս ու այն կողմը՝ պասելով որ եփուի. սրախօսութիւնները, գիւղացիներին յատուկ կոշտ, մերկ, բայց պատկերաւոր սրախօսութիւնները պակաս չէին։ Այն ի՞նչ հրաշալի մեղմութիւն է, որ մայր երկրի կրծքից դուրս դալով բռնում է երկրագործի ամբողջ էութիւնը և անյոյս հնագանդութեան, անդարձ հպատակութեան կնիքն է զնում այդ կոշտ գէմքերին։ Երկրագործը՝ ինքը մայր երկիրն է, համբերող և արտադրող, գիշեր ու ցերեկ աշխատող բնութիւնն է նա, մտածում էի ես նայելով իմ վաղեմի ընկերներին։

— Եատ ուշ ես վերագառնում, ասաց նրանցից մէկը, երբ ես արդէն տեղ էի բռնել կրակի առաջ, եռեփ բանդ լաւ էր։

— Հա, պատասխանեցի, որսս աջող էր, լորերը շատ շատ են։

— Օգոստոսին նրանք միշտ շատ են. բամբակներն էլ այժմ բարձր են, կորեկները հասել են, լորերի լաւ ժամանակն է, վրայ բերեց խօսակիցս, որ Սարգիս էր կոչւում։

Յանկարծ մի հրացանի ձայն լսուեց մեղանից խիստ մօտիկ. ես խլեցի կողքիս դրած հրացանը և վեր ցատկեցի. ընկերներս ծիծաղեցին։

— Նստիր, նստիր, տնաշէն, բան չը կայ, այդ «Անհաւասն է», ամեն գիշեր մի երկու անդամ որ հրացանը չը պարպի, չի հանդստանայ. այստեղ մօտիկ բօստան է պահում, ասաց Սարգիսը վիշտ քաշելով, որ նստեմ։

Ես հնագանդուեցի մի փոքր կոտրտած, մի փոքր ամաշած և այժմ գիւղարութեամբ էի կրծում ինձ յանձնուած փեղամը։ «Անհաւատ»—այսպէս էին անուա-

նում մեր գիւղում Թուխիկենց Աթօխն. այդ ես գիտէի գեռ իմ մանկութիւնից, իսկ թէ ինչու էին այդ տարօրինակ մականունը տուել նրան, ես մինչև այժմ էլ չը գիտէի:

—Լսիր, Սարգիս, ասացի, ինչու են Աթօխն անհաւատ ասում:

—Ի՞նչու են ասում, ով գիտէ գիւղի բանը, ասում են էլի՛, մէկն ասել է, մէկէներն էլ կրկնում են ի՞նչ անհաւատ, կարգին հայրքրիստոնեայ է, ինձանից էլ, քեզանից էլ հաւատով է. հէնց մի անդամ բերանեներս է ընկել, ասում ենք, ինքն էլ սովորել է, չէ նեղանում: Բարի մարդ է, միշտ իր ցաւին, իր աշխատանքն, միայն տէրտէրին վաղուց է՝ ինչ «օրհնեա, տէր» չէ ասում, ով գիտէ ինչու համար մի անդամ վզովն է ընկել, էլ ժամ չէ գնում: Մի խօսքով կրօնի հետ շատ էլ սէր չունի, կարծեմ պաս էլ է ուտում, վերջացրեց նա փսխուկով:

—Դէ էլ նրա հաւատը ո՞րն է, տնաշէն, անհաւատ էլաւ գնաց էլի՛, բացականչեց կողքի ընկերը ծիծաղեւ լով. գեռ այն էլ չես ասում, որ արիւն թափելուց չէ վախենում:

—Քաջ է, անվախ է, դրանում ի՞նչ անհաւատութիւն կայ, այ խելօք. մենամենակ քսան թուրքի, քրդի դէմ դուրս կը գայ, հրացան ունի, գնդակը գետին չէ ընկնում: Նրա բօստանին մօտենալ չէ լինում, մեղ նման՝ դագանակներով չէ դուրս գալիս դաշտ: Մինչև հիմա մէմ հաւին է անմեղ տեղը «քը՛շ» արել, ումն է վսաս հասցրել:

—Որ չը գիտես, մի խօսի, վրայ բերեց խօսակիցը, հարցրն իր հասակակիցներին և նրանք քեզ կ'ասեն, թէ Թուխիկենց Աթօն ջահէլ ժամանակ ինչեր է արել:

—Թշնամու խօսքեր են:

—Կանչենք թնդ գայ այստեղ մի քիչ խօսենք, մէջ ընկաւ երրորդը:

Ես էլ ձայնակցեցի այս առաջարկութեանը:

- Զի գայ, ասացին միւս երկուսը. բօստանն ան-
տէր չի թողնի:
- Փորձեցէք, խնդրեցի ես:
- Աթօ ապեր, հէյ Աթօ ապե՞ր:
- Հէյ, հէյ, ձայն տուեց նա հեռուից:
- Արի, արի այստեղ փեղամ կեր, փեղամ:
- Մի փոքր լուսթիւն տիրեց:
- Շատ էք, հարցրեց Աթօն:
- Զորս հոգի ենք, չորս:
- Գալիս եմ, գալիս:
- Ամենքս էլ ուրախացանք: Քիչ յետոյ նա մէկ էլ
պարպեց հրացանը, կարծես կամենալով իր բացակայու-
թեան ժամանակ այդ մի հատիկ պայթիւնին յանձնել
իր բօստանի պահպանութիւնը և ապա հանդարտ սու-
լելով՝ յայտնուեց կրակի մօտ:
- Բարի երեկոյ. վահ, էս ով է, ասաց նա կռանա-
լով գէպի ինձ, որ լաւ տեսնի դէմքս. տօ, էդ զու ես,
նարմինազում (քնքոյշ), բացականցեց նա ճանաչելով ինձ.
Վերջին բառով նա ակնարկում էր իմ գիւղական կեան-
քից խորթանալլ:
- Տօ, գու էստեղ, էդ որ խաչիցն է, շարունա-
կեց նա:
- Որսից է գալիս, պատասխանեցին ընկերներս
տեղ բանալով Աթօին կրակի առաջ:
- Որսից, է, ինչ ես բերել, տեսնենք:
- Լոր, լոր, Աթօ ապեր, որքան ուզես. առ ահա-
քեղ մի կենդանի լոր տամ, գիր վանդակի մէջ, թող
առաւօտները երգ ասէ:
- Այս ասելով՝ ես պայիւսակիցս հանեցի կենդանի
լորը և մեկնեցի նրան: Սիրուն թռչուն էր, կոկորդի
տակը՝ սև, մնացած փետուրները մոխրագոյն, նա թըր-
պլատում էր ձեռքումն և աչքերը բաց ու խուփ անում
կրակի լոյսից: Աթօն բռնեց հանդարտութեամբ, մի քիչ
նայեց, շօշափեց կենդանու մարմինը:
- Լաւն է, չաղն է, ասաց. ապա երկու ոտներից

ու բնից բռնելով ամենայն սառնասրտութեամբ թռչնի գլուխը թափով զարկեց իր հրացանի փողին. կենդանին վայրկենապէս շունչը փշեց, երկու կաթիլ արիւն որձկաւով. Աթօն առանց փետրելու մաշկեհան արեց և ձգեց կրակի վրայ: Այս բոլորը կատարուեց մի քանի րոպէում:

Ես նկատեցի՝ թէ ինչպէս ամենքն էլ զարմացած մնացին նրա անգութ վարմունքի վրայ, մի թեթև դժկամակութիւն նկարուեց բոլորի դէմքին. նոյն իսկ ես, որ ամբողջ օրը լորեր էի կոտորել, վրդովուած էի Աթօն արածից. «Ճիշտ որ անհաւատ», մտածում էի ես:

—Հը, ինչ ես նայում պէլ կտրած, դարձաւ նա դէպի ինձ նկատելով վրդովմունքս, հիմա կ'ասես անխիղճն է. դու խօմ մի և նոյն բանն ես արել ամբողջ օրը: Էսպէս է աշխարհի բանը, մարդ իր գործած մեծ չարութիւնը կը մոռանայ, ուրիշի թեթև յանցանքը կը տեսնի: Եփուիր, լորուկ, եփուիր, քեզ մատաղ, աշխարհում չարն ու բարին իրար են խառնուել, իսելք կ'ուզեմ, որ կարողանայ ջոկել: Սուտ չեն ասել մեր պապերը՝ «Հաստ ու բարակ մէկ գին է, վայ գայ բարակ մանողին». Թէ քեզ պահէի, խնամէի, էլի ես անհաւատ էի. սպանեցի էլ, էլի ես եմ անհաւատ. լաւն էն է ուտեմ: Նարմընազուքը խղճով է, նա հրացանով է սպանում, իսկ ես... դէ մենք էլ գիւղացի կոշտուկոպիտ մարդ ենք, մերն էլ այսպէս է. ինչ կ'ասեք տղերք, դարձաւ նա դէպի միւսները: Սրանք լուռ էին:

—Ի՞նչ ասենք, Աթօ ապեր, վերջապէս ձայն տուեց Սարգիսը, դու մեր հօր տեղն ես, մէկ էլ ամեն մարդ իր վարձքի տէրն է:

—Հա, ինչու չէ, ամեն մարդ իր վարձքի տէրն է. թող այդպէս լինի, ես այս մի լորի վարձքը չուղեցի, թէ սրա համար միւս կեանքում մէջքս շամփուրով այրեն, նարմընազուքին ողջ-ողջ կալրի կարասը պիտի գըցեն. թամաշայի բան կը լինի հաա, վերջացրեց նա ծիծաղելով:

Լորը եփուեց. նա վերցրեց կրակի վրայից և սկսեց

ախորժակով կրծոտել: Ես նայում էի նրան այդ ըսպէին
և զարմացած էի տեսնելով որ այդ դէմքն ամենելին
շար չէ և ոչնչով չէ համապատասխանում նրա խստա-
սիրտ վարմունքին ու խօսքերին: Վաթունն անցած մի
ծեր գեղջկական դէմք էր չարչարուած ու բրտացած
շարքաշ աշխատանքի մէջ, որ մի և նոյն ժամանակ զուրկ
չէր խելացի արտայայտութիւնից կարծ և խօսառ ճեր-
մակած մէրուքը և թաւ բեխերը ծածկում էին նրա
դէմքի մեծ մասը, շատ քիչ բաց տեղ թողնելով այտե-
րի վրայ. աջքերը մանր էին, յօնքերի հովանու տակ
կորած, բայց ոչ խորամանկ էին և ոչ չար, այլ մեղմ;
բարի և խելացին: Համարեա ոչինչ չը կար այդ դէմքի
վրայ, որ անախորժ լիներ:

Մեր ետևում, խոտերի մէջ մի բան կամացուկ քըս-
սաց. Աթօն ճշաց, վեր թռաւ սարսափած և փախաւ հե-
ռու, ինչպէս օձից կծած: Մենք մնացինք ապշած:
—Ի՞նչ պատահեց, ձայն տուինք չորսս էլ միաբե-
րան:

—Այստեղ օձ կայ, խշխաց, պատասխանեց նա
չնչակտուր:

—Տօ, ինչ օձ, ինչ բան, Աթօ ապեր, շունն էր,
շարժուեց, քսսոց հանեց:

—Ի՞նչ շուն, ում շունը:

—Իմ շունը, վրայ բերի ես, այ այստեղ է, տնաշէն,
խոտերի մէջ պառկած է:

Աթօն նայեց այն կողմը, տեսաւ շունը, հասկացաւ
իր սխալը և անտեղի երկիւղը, բայց կարծես ամառ-
լով իր վախկոտութիւնից, էլ չէր մօտենում կրակին, որ
չը տեսնենք իր դէմքի գունատութիւնը: Համոզեցինք,
կանչեցինք, մօտեցաւ, բայց էլ չը նստեց, մնաց կանգ-
նած աջքերը խոտերին յառած:

—Նստիր, նստիր, ուտենք:

—Զէ, էլ չեմ կարող, վերջացաւ. Էստեղ օձ կը լի-
նի, օձի տէրը մեռնի, վախեցէք օձից:

—Տօ Աթօ ապեր, ասաց Սարգիսը, գու, հեռ իրա-

նից, ժամապատարագից չես դողում, տէրտէրի անէծքից չես վախենում, քսան թուրքքիւրդ աւազակին մարդ չես ասի, հիմա օձից ես վախենում:

—Հա, պատասխանեց նա յուզուած ձայնով, ես ոչինչից էլ չեմ վախենում. թրի ու կրակի միջով կ'անցնեմ, դայլ, արջ և ուրիշ տասն անգամ սարսափելի դաշտներ ինձ համար նապաստակներ են, բայց ես վախենում եմ օձից, նոյն իսկ դողում եմ նրա անունը լըսելիս, տեսէք, դողում եմ, նա իմ չար հրեշտակն է: Եթէ ուզում էք ձեզ մօտ էլի մի փոքր մնամ, բարձրանանք քօշիկի կտուրը, թէ չէ կ'երթամ, այսուղ օձ կայ, սիրտս է ասում:

Մեր զարմանքը կրկնապատկուեց. այդ քաջ, անվեհեր ծերունին, որի մաղերը, ով գիտէ, ինչ վտանգների մէջ էին ճերմակել, այդ «Անհաւատը», ինչպէս ասում էին գիւղացիք, դողում էր օձի նոյն իսկ անունից:

Ճար չը կար, բարձրացանք կտուրը. մի առ ժամանակ ամենքս էլ լուռ էինք, ամենքս էլ քիչ առաջ պատահածի ծանր տպաւորութեան տակ էինք: Աթօն շարունակում էր յուզուած մնալ և ոչ ոք սիրտ չէր անում խզել անախորժ լուռթիւնը: Ներքեում մենակ մը նացած շունն սկսեց կաղկանձել և աշխատում էր բարձրանակ մեզ մօտ:

—Արի, արի, լաւ վախեցրիր ինձ, ասաց Աթօն, օգնելով շանը որ բարձրանայ. մենք ծիծաղեցինք և ճնշող լրութիւնից աղատուեցինք:

—Աթօ ապեր, ասացի ես, չի լինի որ մեզ պատմես, թէ ինչու ես վախենում օձից: Նա մի առժամանակ ոչինչ չը պատասխանեց, գլուխը քաշ գցած՝ խազում էր հրացանի բլթակի հետ և մի և նոյն ժամանակ ասես փորփում էր հին յիշողութիւններ:

—Լաւ, պատասխանեց վերջապէս, պատմեմ, ծերացել եմ, ով գիտէ կամ շուտով կը մեռնեմ, կամ անիծած թուրքերը, քրթերը կը տան շանսատակ կ'անեն և կամ օձը կը կծի: Պատմեմ, քանի շունչս բերնումս

է. թաղ գոնէ մի երկու մարդ իմանայ, թէ ինչու եմ մնացել առանց ժամապատարագի, և երբ մեռնեմ, ով գիտէ, գուցէ խղճան, մի փոսի մէջ էլ ինձ գցեն։

Նա չիբուխը պատրաստեց, վառեց, մի քանի կում քաշեց և այսպէս սկսեց.

II

Շատ ժամանակ է Է, քառասուն տարուց աւելի, որ ես ու խեղճ Գասպարը մտանք ձեր գիւղը, Քառասուն տարի, մի ամբողջ կեանք է, դուք չը կայիք գեռ այն ժամանակ։ Հեռու տեղից էինք դալիս. քայլել էինք ամբողջ օրեր ու շաբաթներ, մեր ոտների կաշին քերթուել էր, մէջքերիս պարկերը պատառոտուել, ձեռներիս դաւազանը մաշուել։ Մենք եկել էինք մեր գլուխը դնելու մի ապաստարան ճարել այս կողմերում, ինչպէս չուրդ թռչունները փախչում են տաք կողմեր՝ ձմեռը մօտենալիս։ Աշխարհը լայն է, ասում են. ի հարկէ լայն է, մենք էլ գիտէինք, բայց արի տես, որ այդ լայն, արձակ աշխարհում մենք մի անկիւն չունէինք ծուարելու համար։ Ասենք ուրիշ կերպ չի էլ կարող լինել. ով վաթան չունի, նա աշխարհում տեղ չունի, միայն չը գիտեմ երկնքում էլ նրան տեղ կը տան, թէ ոչ։ Ծնած տեղներս՝ մեր վաթանը փուշ ու տատասկ էր դարձել մեզ խոցոտում, օձ ու կարիճ էր դարձել մեզ կծում, և մենք գլուխ առած փախչում էինք առանց ետ նայելու. տեղն է, որ ասեմ՝ ու լինէր մեր փախած օրը, մեր ոտները երկու տակ լինէր՝ չը հեռանայինք. վաթանը եթէ գեհէն դառնայ, էլի դարիբութիւնից լաւ է. հիմա կ'ասեմ, այն ժամանակ չէի հասկանում երկու ընկեր էինք, երկսիս ցաւն էլ մէկ էր, փլած պատի տակ ծընուած խեղճ ու կրակներ էինք. ծնունդից սկսած սկ օրի, դառն ըրտնքի, մեր միսն ուտելու դատապարտուած գլուխներ. կան է՛, այդպիսի մարդիկ շատ կան, որոնց ճակատին դեռ չը ծնուած կ'ասես դրել են՝

ցաւ, տանջանք»։ Աշխարհում ունեցած չունեցածս մի քոյր էր, հայ-հոռ, քանի տարի է անցել, դեռ քրոջս գարդի ծուխը քթիցս չի դուրս եկել, հոգիս դեռ մրում է. մի թառլան աղջիկ, որ ինձ համար ամեն ինչ էր՝ և հայր, և մայր, և եզրայր, և հարստութիւնն Քացի նրանից Գասպարը կար, իմ միակ ընկերը. ցաւի, խեղճութեան մէջ իրար սէր էինք երդուել, միասին էինք չարչարւում, միասին աշխատում, միասին ուրախանում, միասին վայելում, թէ մի բան կար վայելելու։

Ապրում էինք։

Բախտը մեր խեղճութիւնը, մեր սև օրը մեղ քիչ համարեց, մի բանջարպաղի օր անօրէնները քոյրս փախցրին։ Յիշում եմ, երբ այդ սև լուրը մեղ հասաւ, ինչպէս երկնքից մի-մի ժայռ ընկնէր իմ ու Գասպարի դիմին և մեղ աղցանի պէս տրորէր. հազար կտոր անէին մեղ, սրանից լաւ էր երկուսով էլ ընկանք սար ու ձոր, հարց ու փորձ արինք, գլուխներս սար ու քարի տուինք, գիշերները ցերեկ շինեցինք, բոլորն ի զուր, չը գտանք ու չը գտանք։ Վերջն իմացանք, որ փախցնողները հետքը կորցնելու համար շտապել են Սրաքսից անցկացնել, Պարսկաստան տանել. գարնան յօրդացած գետը խեղդել է թէ զոհին և թէ դահիճներին։ Հարուածը սարսափելի էր, խեղճ ու կրակ, ձեռներս ծոցերումն, տուն գարձանք, մնացինք կծկուած, ինչպէս մայրը կորցրած որբեր, սպացինք ու լռեցինք։

Ուշ իմացայ, որ խեղճ Գասպարը սիրում էր քրոջս, որ նրանք իրար խօսք էին տուել վաղուց. սրա համար էր, որ խեղճ ընկերս այդ ծանր կորստից յետոյ այրւում փոթոթւում էր ինչպէս բոցերի մէջ։ Այն օրից, երբ յայտնի եղաւ քրոջս անյայտանալը և վերջում՝ մահը, Գասպարն էլ ոչ գիշերը քուն ունէր, ոչ ցերեկը հանգիստ։ Ես էի զրկուել իմ միակ քրոջից, էլի ես էի ստիպուած նրան հանգստացնել. արտասւում էր երեխայի պէս և անդադար թափառում էր սար ու ձոր։ Վերջ ի վերջոյ, երբ մի փոքր հանգստացաւ, լռեց ինչ-

պէս համր, օրերով մի հատ բառ չէր արտասանի, միայն թափառում էր այն տեղերը, որտեղից քոյրս երբ և իցէ անցել էր, և ժամերով մնում էր բարացած մի և նոյն տեղում: Ուշ աշուն էր, որ նա մի օր ինձ ասաց.

—Ես գնում եմ; Աթօ:

—Ո՞ւր, Գասպար, հարցրի ես զարմացած:

—Ո՞ւր. նա մնաց մի փոքր լուռ:

—Գնում եմ գրողի ծոցը, փախչում եմ մեր վերանից, հոգիս փոթոթում է, ել չեմ կարող մնալ, որ ելի մի քանի օր մնամ, ցաւից կը պատռուեմ: Կ'երթամ քանի առջևս ճանապարհ կայ:

—Ղարիբութիւն:

—Հա, զարիբութիւն:

—Ես ել քեզ հետ, եղաւ իմ պատասխանը:

Եւ մենք ճանապարհ ընկանք: Եկանք, հասանք ձեր գիւղին: Մեզ ի՞նչ, թէ ի՞նչպիսի գիւղ էր, բաւական է, որ հայ-քրիստոնեայ լինէին, բաւական էր, որ մեր աւեր դարձած երկրից հեռու էր: Մի գոան առաջ կանգ առանք, փոյթներս չէր, թէ ում տունն էր, մի տաք անկիւն, մի սաքու լինէր, այդ էր խնդրածներս: Ցուրտ էր, իսկ մեր շորերը պատռ-պատառ երկար ճանապարհից, սարեր, ձորեր էինք անցել էլ...: Մտանք մի սաքու, կծկուեցինք, տաքացանք, ողորմի տուինք տիւրոջ մեռելներին և սկսեցինք մեր սե օրի վրայ մտածել, մեր անելիքը որոշել: Զմեռը մի կերպ դոնէ դուռ գլուխ պահեցինք, գարնանը Գասպարը նախրապան եղաւ, իսկ ես դաշտերի պահապան:

Ամիսներ ու տարիներ անցան, և մենք սե օրով աշխատում էինք ամբողջ ցերեկը, իսկ գիշերները մի տեղ, մի սաքում, մի տան բակում, մի կտրան մերկ ցնցոտիների մէջ կծկում էինք, քնում միասին: Գասպարը մնաց միշտ լուռ, միշտ տիսուր, սիրաը կոտրուած, երբեմն-երբեմն մի երկար «ախ» կամ «օճք» կ'անէր և յետոյ կը լուէր անվերջ: Ես էլ կոպէկ-կոպէկ հաւաքում էի, միտք էր տան-տեղի, թոնիր-օջաղի տէր լինել:

Ա՛խ, այնպէս էի ձանձրացել ուրիշի դռներից, ուրիշի սաքուից, ուրիշի թոնրան շրթից, փշտանքից. շան կեանք էր, շան կեանք։ Այնպէս ուղղում էի ունենալ իմ սեփական տունը, իմ սեփական բունը, ուղղում էի ես ել աշխարհի պէս կնոջ, երեխայի տէր լինել, առիք սեւացնել։ Այն ժամանակ խօմ կարող եմ խեղճ Գառպարին էլ մի անկիւն տալ, մտածում էի ես, մի գլուխ գնելու տեղ պատրաստել, որ ներս մտնի առանց կարմը-րելու. յետոյ միասին կ'ապրենք սիրով. լաւ չենք ապրի, վատ կ'ապրենք, բայց մեր յարկի տակ կը լինենք, միասին կ'աշխատենք, միասին կ'ուտենք։ Նա ինձանից էլ չի բաժանուի. ուր գնար իր նշանածի կորստից յետոյ, ով գիտէ, մէկ էլ նրա մտքովն անցնի պսակուել, թէ ոչ. այն մարդկանցից չէր, որոնց սրտում ցաւը մեռնում է ժամանակի հետ, նրա սիրտը դեռ միում էր, ինչպէս ըստ մարած հրդեհ, որի բարակ ծուխը բարձրանում է հարաբերականում աւելակների միջից։

Ես խեղճ էի, աղքատ, անտուն, բայց սիրան ինչ կը հարցնի աղքատութիւն. մի օր դաշտում մի աղջիկ տեսայ, սիրուն էր, սիրտս կպաւ, չէ որ ես էլ ջահէլ էի, ես էլ սիրոյ կարօտ։ Միտք արեցի, որոշեցի գլուխս սարով-քարով տամ, նրան առնեմ։ Նրա համար էի չարչարուում, սրա համար էի արիւն քրտինք թափում և հաւաքում էի աշխատանքս։ Տուն ու օջաղը բոլորը միացան այն աղջկայ մէջ։

Անունը չեմ ասի, նա դեռ կենդանի է, մի ընտառնիքի մայր, համարեցէր Ռեհան։ Մի օր էլ պատահեցի Ռեհանին դաշտում, ազքով արեցի՝ ծիծաղեց, մի ուրիշ անդամ էլ ճար գտայ, սիրտ արեցի, մօտեցայ, խօսեցինք, քաղցր բաներ աւացինք իրար, յետոյ մի օր էլ մի ընծայ տուի՝ առաւ, խօսք տուինք իրար, մենք նշանուած էինք։ Աղքատ աղջիկ էր, ուներ-չունէր մի պառաւ մայր, նրա համաձայնութիւնն էլ առանք, ուրախութիւնս անշափ էր, իսկ Գասպարը լաւ յիշում եմ, այդ առթիւ ժպտաց։



Երկար նշանուած մնացի. երկու տարի հաւաքում էի, հաւաքում, բան չէր գուրս գալիս. քանի տարի պիտի աշխատէի, որ գոնէ մի հարիւր ռուբլի հաւաքէի հարսանիքի ծախփի համար, նշանածիս իմ դրամով գոնէ մի շոր առնելու. խօմ չէի կարող հէնց այնպէս գնալ ձեռքից ըռնել տանել. երանի չէր, որ այդպէս հեշտ լինէր, հարսանիքը աղքատին պատիժ է դրուած: Երբեմն այնպէս էի յուսահատւում, որ լացս էր գալիս, բայց երբ գնում էի նշանածիս տեսնում, երբ նա մի երկու քաջալերող խօսք էր ասում, ամեն բան մոռանում էի, կրկին սիրտ առնում և կրկին վերսկսում աշխատանքս նոր եռանդով. դուք չը գիտէք, թէ մի սիրած աղջիկ մարդու ինչեր անել կը տայ: Եւ Ռեհանը սպասում էր:

Քանի տեղ փոխեցի, բանի տուն մոտայ այնուհետեւ, քանի տեսակ պարապմունք գտայ: Երբեմն տների մշակ էի, մէջքիս այծի մորթի կապած, առաւօտից երեկոյ գոմում անասունների աղքի մէջ չարչարում էի և ամբողջ ձմեռուան վարձս էր 5—6—10 ռուբլի. Երբեմն բանուոր էի, օրավարձով աշխատում էի սրա նրա այդում; արտօւմ, շինութեան վրայ, երբեմն էլ պարապ էի մնում և աշխատածս ծախսում, էլի մնում ձեռքերս դատարկ: Վերջ ի վերջոյ մի տարով վարձուեցի հօտաղ Զրւհակենց Աէֆօի տանը: Ողսրմի իրան, վազուց է մեռել, կինն էլ մարդու գնաց, տունը «բրիչակ» եղաւ պրծաւ:

Աէֆօն մենակ մարդ էր, մի լուծ եղն ունէր և մի արօր, որ ինձ յանձնեց: Աշխատում էի և մոտածում, թէ ինչպէս անեմ; որ հարսանիքիս ծախսը լրացնեմ: Երեք տարին շուտով կը բոլորէր և խեղճ Ռեհանն սպասում էր: Ամառ էր. ցերեկն անասունների հետ էի, իսկ գիշերները գնում էի Սէֆօի բօստանը պահպանելու, ինչպէս այժմ: Գասպարն էլ նախիրը դաշտից տուն էր ըերտում և գալիս ինձ հետ միասին գիշերում բօստանում: Երկու անբաժան որբերի պէս էինք: Դիշերնե-

րը ես պատմում էի նրան իմ սէրն ու վիշտը, գանց
դատում էի, որ չեմ կարողանում ծայրը ծայրին հաս-
ցնել, պէտք եղած դրամը պատրաստել, նա, ըստ իր սո-
վորականին, լռում էր, մի երկար «օծֆ» անում և վեր-
ջում կամացուկ աւելացնում:

—Աստուած ոզորմած է, ախպէր:

Ի՞նչ էր միտքը, ի՞նչ ծրագիր ունէր, իր վաստակած
դրամն ի՞նչ էր անում, ումն էր պահ տալիս, կամ ունէր
դրամ արգեօք, թէ թողնում էր սրա նրա մօտ առանց
երբէք յետ ստանալու։ Ես չը գիտէի, երբ ակնարկում
էի, նա հանգարտութեամբ խօսքը փոխում էր և այնու-
հետեւ անվերջ լռում։ Ես ցաւում էի ոչ միայն ինձ հա-
մար, ոչ միայն Ռեհանի սիրուն, այլ և այս խեղճ ու
կրակ Գասպարի համար, որին կ'ուզէի դռներից աղա-
տել, մի փոքր խնամել։ Ես գիտէի, թէ որքան անճար
ու բարի է նա, ես գիտէի, որ շատերը ծածուկ նրա
բարութիւնից օգտառում են, և նա ինձ չէ յայտնում, ես
համոզուած էի, որ նրա վաստակը կորչում է այս ու
այն կողմ, բայց ի՞նչ կարող էի անել, երբ նա լռում էր,
կամ միայն «ախ, օծֆ» անում Խոկ երբ գիպուածով
իմանում էի, որ այս կամ այն անձը նրա պահ տուած
դրամը կերել է, վրդովելում, բարկանում էի իր թուլու-
թեան վրայ, նա նայում էր ինձ իր հեղ աչքերի տխուր
հայեացքով, ուր այնքան սէր և գութ կար, ապա ա-
սում էր մեղմութեամբ։

—Ի՞նչ ես նեղանում, ախպէր, երեի չունեն որ չեն
տալիս, չկալութեան երեսը սե, ես ու դու խօմ լու
գիտենք, թէ ի՞նչ է չկալութիւնը, ի՞նչ անենք, թէ չեն
տայ, Աստուած իրանց հետ, օծֆ։

Կերակրում էր ցամաք հացով, որ ամեն առաւօտ
մէջքին կապած դաշա էր տանում, բայլելիս մրջիւն կոխ
չէր տայ, անասուններին չէր ծեծի, բերած հացը այս
ու այն քաղցած հօտաղի կամ անցորդի հետ կը կիսէր։
Նրա միակ մսիթարութիւնը իր չիբուխն էր, որ կաւից
էր շինում, արեի առաջ չորացնում և նրանով անվերջ

Ժխումն երեկոյեան «ախ» ու «օծֆ» անելով անասունները հաւաքում էր, գիւղ բերում և յետոյ գալիս էր բօստան ինձ հետմիասին գիշերելու ես, ըստ իմ սովորութեան, դարձեալ սկսում էի տրտնջալ մեր կեանքից, մեր բախտից, մեր սև զարիբութիւնից, իսկ նա էլ, ըստ իր սովորութեան, լուռ լսում էր, մի «ախ» անում և լուռմ Այսպէս անցան տարիներ. վերջին երեք տարիներին ես նշանուած էի հազիւ հաւաքել էի յիսուն ռուբլի:

Մի անդամ Ռեհանին տեսնելու գնացի. մօր քիթը կախ էր, նա ինձ ընդունեց պաղ երեսով, խօսքերը ծամծում էր, վերջի ի վերջոյ ասաց՝ որ ինքն այդքան երկար չէ կարող սպասել, որ անխիղճ բան է իմ կողմից ջահելի ոտքը կապած պահել երեք տարի, որ ինքն ամաշում է գլուխ գուրս հանել հարևանների մէջ, վատ են խօսում, և թէ... այստեղ նա աւելի ցածրացրեց ձայնն ու յայտնեց, որ Ռեհանին ուզող կայ:

Ինչպէս սիրտս գանակ խրէին, վերջին խօսքերը կայծակի պէս ճայթեցին գլխիս. Ռեհանին ուզող կայ... ես այդ ամենեին չէի մտածել, վաղուց էի սովորել նրան միանդամայն իմը համարել և մտքովս անդամ չէր անցնում, թէ մի օր մի մարդ կը յայտնուի և իմ երեք տարուայ նշանածի ձեռքը կը խնդրի: Սուտ էր ասում պառաւը, թէ ճշմարիտ, այդ ես չը գիտեմ, բայց ես բոլորովին հաւատացի, զայրացած նրան նայեցի ակամայ բռունցքներս սղմած, վեր կացայ և առանց մի բառ արտասանելու դուրս գնացի:

Ճանապարհին մենակ մտածելով՝ համոզուեցի, որ պառաւն իրաւունք ունէր, որ ես յանցաւոր եմ, և յատկապէս այն պատճառով՝ որ ես թշուառ եմ ու աղքատ: Մտածում էի մտածում և խելքս բանի չէր հասնում, պակասում էր յիսուն ռուբլի, քիչ փող չէր, յիսուն ռուբլի... որտեղից ճարել, ումից ինդրել, ումից պարտք վերցներ. Գասպարը չունէր, ես այդ լու գիտէի, նրա վաստակածը սրան նրան էր բաժին ընկել, կամ ունենար էլ, ես ինչպէս նրա գառն քրտինքի փողով իմ հարսա-

Նիքն անէիւ ի՞նչ պէտք էր անել. դժոխային գիշեր անց կացրիւ Գասպարին ոչինչ չասացի. մտածում էի, թէ մենակ պէտք էր ճար գտնել:

Թաջորդ օրը արօրով գաշտ գնացի ըստ սովորականին և երեկոյեան տուն դարձայ միայն մի եզով. միւսը հէնց լծան տակ յանկարծամահ եղաւ. Սէփօն ու իր կինը ծնկներին, գլխին տուին, բայց արդէն ուշ էր: Աշնան սկիզբն էր, վար ու ցանքի ժամանակ, լուծը գետին մնալը տնաքանդութիւն էր: Մրանց ցաւն իմից մեծ եղաւ: Մարդ ու կին նստեցին, մի փոքր ախ ու վախ արին, մի փոքր վշշացին, յետոյ ճարները կտրած հանգստացան և սկսեցին խորհուրդ անել:

—Վաղին երթամ պարտք անեմ, ասաց Սէփօն:

Պարտքի անունից կինը կարծես դողն ընկաւ:

—Աման չէ, էլ չենք ազատուի, մարդ, ասաց նա. Երեխաներս էլ ծախենք, չենք ազատուի. պարտքի տէրը մեռնի, հազար գլխանի վիշապ է. չէ, պարտքը թնդ, առ գլխիս ոսկիները, տար ծախիր. թնդ մեր ամօթը մեր երեսը մնայ, թնդ մեր դռնից կանչող չը լինի:

Երկու օրից յետոյ ոսկիները ծախուած էին, և Սէփօն տուն բերեց յիսուն ոռութիւն:

Մի առաւօտ էր, լաւ յիշում եմ, ինչպէս այսօր, Սէփօն բակը մտաւ, ինձ տեսաւ:

—Տես, Աթօ, ասաց, փողը բերի. նա ցոյց տուեց թղթի մէջ երկուքսանըհինգ ոռութիւնոց. դէ, որդի, գնահատ... գիւղը. ասում են նաւօն եզ ունի, դու լաւ եզ ճանաչում ես. տես, արի լուր բեր, գնանք առնենք:

Ասաց, առաջ անցաւ գէպի տան դուռը, և աննկատելի կերպով թղթի միջից փողն ընկաւ գետին, իսկ ինքն առանց այդ իմանալու ներս մտաւ: Ես շտապով վեր թուցրի. հէնց ուզում էի ձայն տամ, իրան յանձնեմ, որ յանկարծ կարծես մէկը կոկորդս սղմեց. ձայնս դուրս չեկաւ, լեզուս պապանձուեց, և ականջումն պարզ ու որոշ հնչուեց զոքանչիս ձայնը—«Ոեհանին ուզող

կայ»։ Ես նշանուած եմ; մտածեցի, դրամը գրպանս դրի, ըշտապով դուրս եկայ և դէպի Խ... դիւզը դիմեցի։

Առաջին անգամ իմ կեանկըում ես գողացայ. ես այժմ գող էի։ Ուներս դողում էին, չնչառութիւնս կտրւում էր նեղ փողոցներում, ուստի շտապշտապ դիւզ դուրս եկայ լայնարձակ դաշտ. այստեղ կանգ տռայ և մի քանի անգամ լիքը կրծքով շունչ առայ։ Յետեկցո մէկը վաղէվաղ դալիս էր, երկի Սէփօն է, մտածեցի և երկիւղով յետ նայեցի... ոչ ոք չը կար. ինձ թուացել էր միայն կամացուկ հանեցի գրպանիցս թղթադրամները, նայեցի վրան սիրով. — դա իմ նշանաձն էր, իմ տունն էր, իմ օջաղն էր. յիշում եմ, ժպտացի էլ, ապա խնամքով ծալեցի և գրպանս դրի։ Բայց ուսներս դողում էին դեռ, սիրոս թըթուում էր, և այդ բանն ինձ զայրացնում էր. պէտք էր խլացնել նրա ձայնը։ Սկսեցի մրմրալ մի երգ։ Զեղ չի պատահել ձեր երեխայ ժամանակ միայնութեան և խաւարի մէջ երգել, որ չը լսէք անակնկալ և երկիւղալի ձայներ. ճիշտ այդպէս, ես երգում էի սրտիս ձայնը խեղդելու համար, երգում էի և քայլում Թրթռոցը սակայն չէր կտրւում. այն միտքը, թէ ես երգում եմ, որ չը լսեմ՝ տիս ձայնը՝ ինձանից չէր հեռանում եւ ես աւելի վատ էի ըզդում ինձ, ուստի որոշեցի լսել. բայց սաստիկ բարկացած էի, ում դէմ, չը գիտեմ, կարծեմ իմ ձայնի դէմ, որովհետեւ նա դողդողում էր և անախորժ էր հնչում. իմ երգի դէմ, իմ սրտի դէմ, ամեն բանի դէմ, ինչ որ պատահում էր, ինչ տեմնում էի։

Ամենից աւելի ինձ զայրացնում էր մի կաչաղակ. նա նստել էր մի այգու ցանկապատի վրայ, իր անախորժ ձայնով անդադար կչկչում էր և ցատկուում դէս ու դէն։ Ինձ թուաց, թէ նա ճիշտ իմ ձայնի պէս ձայն էր հանում ինձ ծաղրելու համար, իսկ պոչը խօմ անտանելի էր. ես երբէք չէի տեսել, որ կաչաղակները այնպէս անպիտան ձևով պոչները շարժեն. կարծես այդ կաչաղակն իմ ջիգրու էր այդպէս խաղացնում իր. պոչը։ Ես

Էլ մի քար վերցրի, կատաղաբար նետեցի դէպի նրան. նա մի սուր ճիչ հանեց և անյայտացաւ. ես հայհոյեցի և շարունակեցի ճանապարհութիւնի ըստն կար, շուրջը վիստում էին մրջիւնները, աշխատում էին. ես կանգ առայ, նայում էի, ըստ երեսոյթին խաղաղ. Մի խումբ մրջիւններ միաբանուած քաշ էին տալիս մի ահագին բղէզ, երեխ վերաւոր, որովհետև թրպրտում էր և աղատուել չէր կարողանում. Այս տեսարանն էլ ինձ բարկացրեց. բղէզի վրայ բարկացայ արգեօք, որ անդօր էր փրկուելու, թէ մրջիւնների, չեմ յիշում; միայն ոտքով տրորեցի և բըզէզին, և՛ մրջիւններին. դրանով էլ կշացած՝ կարծես շարիք գործելու ծարաւս մեծացաւ. ես սկսեցի անգիծօրէն տրորել բոլոր մրջիւններին, ապա փայտի ծայրով բանդեցի նրանց բունը արագարագ, դուրս թափեցի նրանց ձուանները և նոյնպէս տրորեցի անխայ. մի կատարեալ աւեր ու կոտորած: Մի բոպէ ես այնպէս էի տարուել իմ այս անգութ աշխատանքով, որ մոռացայ նոյն իսկ, թէ Խ... գիւղը պիտի գնամ. լաւ որ դիպուածով ձեռքս գրպանս տարայ, գրամը շօշափեցի, յեւ քաշեցի թափով, հեռու փախայ մրջիւնների աւերակ բնից, գլուխս բռնեցի և մի փոքր միտք արի. ես գաղան էի դարձել: Նորէն առաջուայ գողը վերըս կսուց, որ քիչ առաջ կարուել էր, երբ ինքս ինձ մառացած՝ աւերում էի մրջիւնների բոյնը: Ճանապարհութարունակեցի:

Մի մարդ էր անցնում ճանապարհով, մի ողորմելի, գզգզուած մուրացկան: Նա կամ սաստիկ յոդնած էր, կամ հիւանդ, որովհետև հազիւ քայլում էր, յենուելով երկու դաւազանի վրայ: Ունեցած չունեցածը մի մաշուած պարկ էր, որի մէջ մի բիշ բան կար և որ նա կրում էր ուսին: Ո՞րտեղից էր դալիս և ուր էր գնում, նվազ գիտէ. այդպիսինները որոշ տեղ չունեն, նրանք անտուն թափառականներ են: Զարմանալի չէ, այս խղճակի մուրացկանն ինձ ամենից շատ զայրացրեց. դա իմ

խեղճութիւնն էր, որ ցցւում էր առաջիս. ինձ թւում էր, թէ նա դիտմամբ յայտնուեց իմ առաջ, և ես առանց ճանաշելու դեռ հեռուից նրան ատում էի: Վերջապէս մենք հասանկ իրար:

—Բարե, ախպէր, ասաց. Շ... գիւղի ճանապարհն այս է:

Ես կանդ առայ, ոտքից գլուխ նայեցի մարդուն և թողեցի անպատասխան: Երեկի տեսքս լաւ չէր, որովհետեւ նա շտապեց հեռանալ, ոտներին ոյժ տուեց և միքանի անգամ յետ-յետ նայեց երկիւղով դէպի ինձ: Իրաւունք ունէր վախենալու. յիրաւի, երբ նա առաջ էր, ես առանձին չար ցանկութիւն էի զգում խլել նրա պարկը, ուր երեկի մի քանի կտոր հաց կար դռներից հաւաքած, ցրիւ տալ դաշտում, իրան էլ մի պինդ քացի տալ. լաւ որ շուտ հեռացաւ, ես էլ զսպեցի ինձ ու անցայ:

Ճանապարհս անցնում էր հէնց այն արտի մօտով, ուր ընկած էր մեռած եղբ: Հեռուից երեսում էր դիակը, ուռած, ահագին, ոտներն օդի մէջ ցցուած զզուելի ձեռվ. մի խումբ ցիներ և մի շուն քաջրջում էին նրա մսի կտորները: Ես մի տարօրինակ ցանկութիւն զգացի գնալ մէկ էլ տեսնել խեղճ կենդանուն: Քանի մեռած չէր, ես դէպի նրան ոչինչ չէի զգացել, իսկ այժմ... այդ ուրիշ բան էր. այդ հոտած, այլանդակուած դիակի և իմ մէջ մեծ կապ կար. ախր նա որ չը մեռնէր, ես յիսուն ռուբլին որտեղից կը ճարէի: Յետոյ ես շատ մտածեցի և չը կարողացայ հասկանալ, թէ այդ եղբ ինձ համար մեռաւ, թէ հէնց այնպէս, քէֆն ուզեց՝ մեռաւ: Մի ըոպէ գլխովս անցաւ, թէ ով դիտէ, Աստուած ինձ խղճաց, դրա համար եղբ յանկարծաման եղաւ, ապա մարդու բախտը ինչպէս է կտրում: յետոյ մտածեցի.—ինձ համար լաւ եղաւ, իսկ Սէփօն... դէնրան էլի Աստուած՝ կը հասցնէ մի ուրիշ տեղից: Լաւ միտք էր, ինքս ինձ մսիթարեցի, սիրտ տուի, մի քիչ հանգստացայ: Մօտեցայ դիակին, ցիները վախան, իսկ

շունը ատամները ցոյց տուեց, թշնամաբար մռռաց վախտ, քոսոտ շուն էր, անշուշտ անտէր ու թափառական. երևի խեղճը վաղուց միս չէր տեսել և կարծում էր, թէ ես խլերու եմ եկել:

Վերջապէս Խ... գիւղը հասայ, պէտք եղած եղը տեսայ: Վերադարձիս նախ տարայ գողացածա դրամը թաքցրի մեր մարագում և ապա գնացի տուն, յայտնեցի ճանապարհորդութեանս յաջող արդիւնքը: Սէփօն ուրախացաւ, ներս գնաց գրամը վերցնի, որ գնանք նոր եղը գնենք, և յանկարծ ծնկներին խփելով գժի պէս գուրս թռաւ և սկսեց բակում պտոյմներ գործել, այս ու այն առարկան բռնել, շարժել, թափ տալ, առանց հասկանալու՝ թէ ինչ է անում, միայն շարունակ ճշշում էր.

—Եղը տարան, եղը տարան...

—Ի՞նչ եղ, այ մարդ, ո՞վ տարաւ, ճշաց սարսափած կինը, բռնելով նրա ձեռքը:

—Եղն էլլ՛, եղան փողը, փողը, փողը տարան, տունս քանդեցին, փողը չը կայ: Յիշում եմ; Ես ուզում էի մէջ խառնուել, մի բան ասել, բայց բերանս փակուեց, ատամներս իրար վրայ սղմուեցին, ոտներիս գողը սաստկացաւ և հաղիւ յենուեցի սրահի սեանը, մինչդեռ մարդ ու կին իրար ձեռքից բռնած, իրար բաշքելով վազվագում էին պատի այս ու այն կողմը, յետոյ հարբածի պէս կրկին ներս մտան տուն, ես էլ հետեւեցի նրանց: Իրար միջոց չը տալով նրանք խառնեցին սընդուլը, գուրս թափեցին ինչ որ կար.—Փողը չը կար ու չը կար. թուղթն այնտեղ էր, որի մէջ փողը փաթաթուած էր, իսկ յիսուն ոռութին չը կար: Տասն անգամ մի և նոյն թղթի կտորը մարդ ու կին փոխ առ փոխ վերցրին, ծալքերը բացին նայեցին, գետին ձգեցին, տասն անգամ խառնեցին իրանց գրպանները, իրանք էլ չիմանալով թէ ինչու, ապա վեր թռան միասին և սկսեցին անկողինների ծալքը քանդել տունը տակն ու վրայ արին, մինչդեռ Սէփօն լաւ յի-

շում էր, որ դրել էր մնդուկում: Դրամը չը կար: Տունը դարձաւ յատուկ մեռելատուն: Կինը արտասուռմ էր, գովք էր ասում՝ ինչպէս երեխաները կորցրած մայր: Իսկ Սէփօն կրկին դուրս թռաւ բակը և վշվալով ման էր գալիս, ձեռները տրորում, վերջը կծկուեց մի պատի տակ:

Երեք անգամ պատրաստուեցի ոտներն ընկնել, խոստովանել գործած յանցանկս, թողութիւն ինդրել արտասուելով, յետ տալ փողը, և երեք անգամ էլ պարզ սրոշ լսեցի ականջումն միենայն ձայնը: —«Գիտես, Աթօ, Ռեհանին ուզող կայ»: Երկինք, գետինք. այդ անիծուած ձայնը ես լսեցի՝ ինչպէս այժմ խօսում եմ: լսեցի՝ և բերանս փակուեց, լուցի խեղդուած: Ռեհանին ուզող կար, փողը տալ կը լինէր... դողում էի, սարսափում էի արածիցս, բայց էլ աւելի սարսափում էի յայտնելուց: Ի՞նչ օր քաշեցի. քիչ էր մնում խելքս կորցնէի և սկսէի բակում վաղվագել գոռալով, «գողը ես եմ, գողը ես եմ»: Սիրտ չէի անում ասել, բայց կ'ուզէի, որ մի կերպով բռնուեմ, որ մի մարդ տեսած լինի արածս, գայ, հաստատի. կ'ուզէի, որ ինձ բռնեն, խեղդեն, կտորկտոր անեն, տանջեն, լացացնեն, մանաւանդ լացացնեն. արցունկով գուցէ սիրտս թեթևանար, թէ չէ մեռնում էի, քիչ էր մնում արաքուեմ:

—Աթօ, քո տունն աւերուի, Աթօ, փողը տարան. ախր խեղճ կնկաս «Երեսի ջուրն էր», այն էլ տարան, Աթօօ, ճար, հնար, ասաց Սէփօն տխուր ձայնով, որ մինչև սիրտս թափանցեց, ապա գլուխն առաւ երկու ձեռների մէջ և սկսեց հեկեկալ:

—Հա, տարան, Սէփօ ապէր, կրկնեցի ես դողդուն ձայնով. և ի՞նչ, ես՝ գողս, աւազակս, ոճրագործս լաց եղայ խեղճ Սէփօի հետ, լաց եղայ բարձրաձայն, գժի պէս, լաց եղայ ոչ Սէփօի, այլ ինձ համար, լաց եղայ իմ խեղճութեան համար, իմ թշուառութեան համար, լաց եղայ հոգւոյս տանջանքը թեթևացնելու համար, ներսս այրող կրակի վրայ մի քիչ արցունք ցանե-

լու համար. լաց եղայ իմ կորցրած խիզճը, որ այդ օրն առաջին անգամ գողութիւնով սևացրիւ եւ էլի սիրտ չարեցի ասելու, թէ ես եմ դողը:

Տեսել էք ձմեռ ժամանակ, թէ ինչպէս փոքրիկ երեխան ձնագունար ձեռքին բռնած, ցրտից կապտում է, դողում, լաց է լինում, թէ ձեռը սառում է, օգնութիւն է ինդրում, գանգատում է թէ կապտեց, մեռաւ ցրտից, բայց ոչ մի կերպով յանձն չէ առնում գէն գցել ձնագունար, որ իր ցաւի աղբիւրն է. Ճիշտ այդպէս էի և ես, ճիշտ այդպէս էի արտասուում ես. տարբերութիւնն այն է միայն, որ իսկզն երեխան չէ ուզում հաւատալ, թէ ճիւնն է իրան մրսացնողը, իսկ ես շատ լաւ գիտէի, և շարունակում էի արտասուել և դողալ:

0', դա մի զարմանալի բան էր: Թշնամուս չեմ ուզի այդ օրը տեսնի:

Մարդու հոգին շատ խորն է, շատ խորը, ծով...

III

Ուրախացայ, երբ տնից կամացուկ գուրս գնացի. Էլ չէի գողում այնպէս. արցունքն ինձ փրկեց: Գիւղից գուրս եկայ, երկար քայլեցի միայնակ, մտածեցի հազար ու մի բաներ և մի ժամանակ համարեա առանց իմանալու ինձ գտայ Ռեհանենց տան առաջ: Մի բոպէ մընացի լուռ, շուարած. մտածում էի մտնել թէ ոչ: Սաստիկ կ'ուզէի մտնել, տեսնել, ասել նրան, որ դու իմն ես, որ քեզ ոչ ոք չէ կարող խլել ինձանից, բայց վախենում էի մատնել ինձ: Լաւ համարեցի յետ դառնալ և սպասել, մինչև փոթորիկն անցնի, մինչև Սէփօի փողի ձէն ու ձունը կտրուի գիւղից: Հէնց այդ բոպէին բակի գուռը բացուեց, Ռեհանը դուրս եկաւ, գնում էր ջրի. մայրը տանը չէր, եկեղեցի էր գնացել, երեկոյ էր. այլ ես հեռանալն անկարելի էր, ներս մտանք:

Երբ մնացինք մենակ՝ ես մի առ ժամանակ նայեցի նրան. դեռ երբէք նա այնպէս սիրուն չէր երևացել

ինձ, ես նայում էի այնպէս, որ կարծես աչքերով ուղում էի ուտել նրան. ապա յանկարծ մօտեցայ, գրկեցի նրան առաջին անգամ երեք տարուայ սիրոյ ընթացքում. աղջիկը չէր սպասում, այդ նրան զարմացրեց։ Այդ գեռ քիչ էր. ես նրան այնպէս սղմեցի գրկիս մէջ, որ նա քիչ մնաց նուազէր, և երկիւղով ու ցաւով էր նայում երեսիս, կարծես ուղում էր իմանալ, չեմ խելագարուել արդեօք, կամ որ և է չար միտք չունեմ։ Դէմքս երեխ սարսափելի լինելու չափ տարօրինակ էր. նա ճիդ գործ գրեց գուրս պրծնել ու փախչել. իզուր, իմ երկաթէ բազուկների մէջ նա թրփրտում էր ինչպէս ճնճղուկը բազէի ճիրանների մէջ, և ես սեղմում էի, սեղմում ըոլոր ուժով, խեղդելու չափ։ Երեք տարի կուտակուած սէրս, զգացմունքս, կարօսս յանկարծ մէկն գուրս թռաւ, իմ համբոյըները սարսափելի էին. ես ագահութեամբ ծծում էի նրա միսը արիսն համելու չափ և չի կշանում. ես կատաղել էի, ինքս ինձ մոռացել էի, միայն գիտէի, որ մի բան կայ գրկիս մէջ, որ պէտք է սղմել, սղմել նրան, մինչեւ որ իսպառ հալուի, լուծուի ինձ հետ, իմ մարմնի հետ, որ էլ ոչ ոք չը կարողանայ բաժանել ինձանից։ Ապա ինձ թռաց, որ ես երազի մէջ եմ։ Ուրքան ժամանակ տեսց այդ երազը, ես չը գիտեմ, միայն ուշըի եկայ այն ժամանակ, երբ յանկարծ նրա հեկելկոցն ականջիս հասաւ, ինչպէս հեռու տեղից քամու բերած մի ողբի ձայն. իր անդօրութեան մէջ աղջիկն արտասուում էր երեխայի պէս իմ գրկի մէջ. ես ցնցուեցի և յետ փախայ սարսափած, շնչակտուր, հեալով։

— Ինչու ես սպանում ինձ, անաստուած, ես խօմ նրան չեմ առնում, հաղիւ կարողացաւ ասել Ռեհանը արտասուքի միջից։

Խեղճ, նա կարծում էր, թէ ես եկել եմ նրան խեղդեմ, որ իմ հակառակորդին բաժին չը լինի. իսկ երեխ ես խեղդում էի նրան, որովհետեւ սիրում էի, որովհետեւ երեք տարի շարունակ այդ համբոյըի համար տանջուել.

չարչարուել էի ուրիշի գոներում, որովհետեւ նրա համար ոճիր էի գործելու Բոլոր կրածս զոհերի հաշիւն էի պահանջում, ես մի գաղանի պէս ախորժակով պատըռում էի իմ որսը, որ բռնել էի մեծ դժուարութեամբ. կարծես վրէժինդիր էի լինում այդ աղջկանից, որ իմ թշուառութեան եւ իմ երջանկութեան աղբիւրն էր միաժամանակ. նա մի բաժակ էր ինձ համար՝ մեղրով եւ թոյնով լցուած. ես խմում էի մեղրը, ծծում էի քաղցրութիւնը մինչեւ յատակի թոյնին հասնելու։ Յետոյ զգացի, որ ես կարող էի նրան խեղդել դրկիս մէջ, պատուել միսն ատամներովս, սարսափելի համբոյրովս. եթէ շարտասուեր, չը ճշար՝ ես կը խեղդէի նրան եւ կը մեռնէի ցաւից նրա սիրոյ համար. նա իմ զոհն էր եւ իմ դահիճը միաժամանակ, ես զոհում էի և զոհում միաժամանակ. չը գիտեմ թէ ես ինչ էի, սարսափելի բան էր։

—Դու միշտ իմն ես, Ուեհան ջան, այսուհետեւ ոչ ոք չէ կարող քեզ խւել ինձանից, ասացի ես հեւարով, եւ փորձեցի մօտենալ գունատ ու դողդողացող աղջկան. նա փախաւ հեռու։

—Հա, քոնն եմ, որ խեղդես, անխիղճ, ասաց նա հեռուից։

—Ուեհան, ներիր ինձ, ես այսօր գժուել եմ, չը գիտես, բան կայ... էլ այսպէս չեմ լինի, Ուեհան... ձայնս խզուեց եւ ես հեկեկացի երեխայի պէս. նա էլ կրկին արտասուեց, մենք իրար փաթաթուեցինք։ Այս անգամ ես մեղմով համբուրեցի նրա գունատ այտերը, եւ կամացուկ փախացի ականջում, կարծես փախենալով որ պատերը կը լսեն.

—Մեր հարսանիքը շուտով կը լինի, այս ձմեռ. փողը պատրաստ է։

—Ո՞րտեղից։

—Լաւո, մի հարցրու. ես ձեռքով փակեցի բերանը. կրկին առաջուայ կատաղութիւնը վրաս եկաւ, կրկին համբոյրներս կատաղի դարձան, բայց հէնց այդ ըոպէին

դրսից ոտնաձայն լսուեց. ես թողի աղջկան և դուքս փախայ: Մայրն էր վերադառնում եկեղեցուց:

Տուն եկայ. հաւաքուել էին բազմաթիւ հարեաններ. խօսքը գողութեան մասին էր: Ի՞նչ ասել կ'ուզէ, որ ոչ ոք իմ վրայ մազի չափ անդամ կասկած չէր տառում: Նախ՝ որ իմ կեանքը եղել էր միշտ օրինակելի, անբիծ. երկրորդ՝ եթէ անցեալում կասկածելի բարք էլ ունեցած լինէի՝ գոնէ այս անդամ ես պիտի ազատ լինէի որ և է մեղադրանքից, որովհետև գողութիւնը կատարուած բռպէին՝ Սէփօի իսկ վկայութեամբ, ես տանից և գիւղից բացակայ էի, գնացած լինելով Խ... գիւղը. և յիրաւի գնացել էի:

—Երկինք, գետինք, ասում էր Սէփօն. այնպէս եմ յիշում, ինչպէս իմ այս չորս մատը, այս կոտրած ձեռքովս տարայ մեր անտէր մնդուկի մէջ դրի. Երկու քըս սանըհինդանոց, թղթի մէջ փաթաթած:

—Սէփօ, ասաց ուսը, գուցէ ճանապարհին թղթի միջից ձգել ես և թուղթը միայն տարել, դրել մնդուկը:

Այս հարցը վտանգաւոր էր. իմ ոտները նորէն դուզացին, սիրտս կրկին թրագրտալ սկսեց և ձեռքովս սըղմեցի կուրծքս. ինձ թւում էր, որ բոլորն էլ լսում են այդ թրթուոցի ձայնը: Լաւ որ մութ էր, թէ չէ կը տեսնէին, թէ ինչպէս գունատուեցի:

—Չէ, տանուտէր, քո ոտին մեռնեմ, չէ. տուն բերի. Աթօն տանն էր, բաց արի, ցոյց տուի, այնպէս չէ, Աթօն, դարձաւ նա դէպի ինձ:

Նրա հետ միասին ամենքն ինձ նայեցին. դողս կրկնապատկուեց, ատամներս կրկին փակուեցին և կարծեմ պէտք եղածից մի փոքր ուշ հազիւ կարողացայ երկու բառ թոթովել.

—Աչքովս տեսայ... Դարձեալ խաւարն օգնեց, յուղմունքս չը նկատեցին:

—Ցոյց տուեցի Աթօն, շարունակեց Սէփօն, յետոյ նրան ուղարկեցի՝ որ գնայ Խ... եզր տեսնի, ես էլ փուղը կրկին փաթաթեցի թղթի մէջ և տարայ իմ ձեռքով

դրեցի մնդուկը։ Աթօն դարձաւ լուր բերեց. գնացի որ փողերը վերցնեմ, գնանք եղն առնենք—փողը չը կայ ու չը կայ։ Թուղթը թողել են և փողը տարել. հայ դէս, հայ դէս, մնդուկն ու տունը տակն ու վրայ աւ բինք, էլ անկիւն չը թողինք, էլ աման չը թողինք՝ իւրար տուինք. — չը կայ ու չը կայ. փող դրել ես, արի տար։ Տարան, ինձ թողին վիզս ծուռ, ձեռս ծոցս։

— Տանու մարդ է, ախաղէր, տանու մարդ, վճռեցին հարեաններն այս ու այն կողմից. իսկական գողը գիշերը կը դար, պատը կը ծակէր, դուռը կը կոտրէր, կողպէքը կը բանար, թալան կ'անէր, և ոչ թէ օրը ցերեկով կ'երթար մնդուկից միմիայն փողը կը հանէր։

— Մեղնից մէկն է, հարեաններից մէկն է, ասացին ովրենները. ով դիտէ, գուցէ հէնց այս ըուպէիս մեր մէջ նստած է, մեզ հետ խօսում է։ Ով և լինի՝ թող գոնէ իր Աստուծուց վախենայ, թէ խղճից չէ վախենում; թող բերի յետ տայ. թող էն խեղճ կնկայ արցունքին խնայի, թող էս մարդու երեխանների հացը չը կտրի. աշունը է, վար ու ցանքի ժամանակ է, լուծը գետինն է մնացել, արտն՝ անվարել, սերմն՝ անցանել. թող հէնց վարձք համարի բերի տայ։

Սյոպէս էին խօսում երկար, որ գողի սիրտը փափկացնեն, նրան համոզեն։ Շատ բաներ ասացին, վերջ ի վերջոյ սկսեցին իրար հաւատացնել, թէ գողը տանու մարդ է, այսինքն մօտիկ հարեաններից մէկն է, որ ճանաշում է Սէփօի տան ել ու մուտքը, որ գողը շատ էլ անխիղճ, բարասիրտ մարդ չէ. մի բան է՝ արել է, մի վատ գործ ձեռքից պրծել է, սատանային ականջ է դրել. իսկ այժմ արդէն փոշմանել է, Սէփօին ու կընկան խղճում է, որ ուզում է փողը վերադարձնել, բայց ամաշում է, չը գիտէ, ինչ հնարով բերի յետ տայ, որ իր ով լինելը չիմացուի՝ թէ իր խեղճը փրկի, թէ իր անունն անարատ մնայ։

— Հեշտ բան չէ գող անունը, հանագ մի կարծէք, ասում էր ոէսը, ասենք թէ ես եմ գողացել. շատ էլ

փոշմանել եմ, ուզում եմ յետ տալ, ի՞նչպէս վեր կենամ ասեմ, թէ ես եմ գողացել, ես գող եմ փողը բերել եմ. դէ ասա՝ մարդ առաջուց գերեզմանը փորի. էլ ապրել կը լինի:

— իրաւ, իրաւ դժուար բան է, ասացին այս ու այն կողմից:

Սկսեցին մտածել, թէ ի՞նչ հնար գտնեն, որ գողը բերի յետ տայ փողը առանց յայտնուելու, առանց ամաչելու: Երկար մտածեցին և հնարը գտան, մի զարմանալի խելացի հնար: Որոշեցին որ իւրաքանչիւր հարեւան, մեծ թէ փոքր, մարդ թէ կին, մի քիչ հող ածի փէշը, բարձրանայ Սէփօենց կտուրը եւ նրանց երդիկից ներս թափէ տունը: Ներսում մարդ չի լինի, գուռը կը փակեն և բանալին կը յանձնեն տէրտէրին. գողացողն այսպիսով համարձակ կարող է հողի հետ ներս ձգել փողը, եւ ոչ ոք չի խմանայ, թէ ով ձգեց: Երբ ամենքն էլ իրանց հողն ածեն վերջացնեն՝ տանտէրը, տէրտէրն ու ուշու ներս կ'երթան եւ հողը կը քանդեն, կը նայեն, փող գտնելը դժուար չի լինի: Բայց որպէս զի գողին միշոց տան մի փոքր իր խղճի հետ հաշիւ տեսնելու, որպէս զի նա հնար ունենայ փողը թագցրած տեղից հանել բերել՝ ամենքն էլ քաշուեցին իւրանց աներն այդ երեկոյ, որ յաշորդ երեկոյ մթնով հաւաքուեն և փորձն անեն: Ես մինչեւ այժմ էլ չեմ հասկացել, թէ ինչու էին կարծում, թէ գողը կը բերի փողը յետ կը գցի. խորհուրդ տուողը երկի ինքը ցաւում էր Սէփօի վրայ, նրան թւում էր, թէ ինքը եթէ գողանար, կը բերէր յետ կը տար, ուստի հաւատում էր, թէ գողն էլ նոյնը կ'անէ:

Այդ գիշեր ես Գասպարին գանգատ չարի իմ բախտից, չը խօսեցի Ռեհանից և փորձեցի շուտ ընել. բայց անհանգիստ էի և երկի տարօրինակ, որովհետև Գասպարը մի երկու անգամ լուռ երեսիս նայեց կասկածով, և երբ ես նրա հայեացը բռնեցի՝ նա շտապով երեսը դարձրեց, որ չիմանամ, թէ ինձ է նայում. գոնէ ինձ այդպէս

թուաց։ Վերջապէս քնեցի։ Նա երբ քնեց՝ չը գիտեմ։ Լաւ չէր քունս. ամբողջ գիշեր երազների մէջ էի—կռիւ, կոտորած, դժակ, արիւն, լաց, իրար խառնուած՝ աչքիս առաջն էին։ Առաւոտեան Գասպարը դարձեալ մի քանի անգամ վրաս նայեց, այս անգամ աւելի կասկածով։ Ինձ թուաց նոյն իսկ, որ նա ուզեց մի բան ասել, բայց յետոյ զսպեց իրան, պատի մօտից փայտը վերցրեց և գուրս գնաց։ Ի՞նչ էր ուզում ասել արդեօք, չը լինի թէ ես քնիս մէջ խօսել եմ և ինձ մատնել, մտածեցի ես և սաստիկ վախեցայ. սա շատ հաւանական էր, երազներս սարսափելի էին։ Ամբողջ օրն այդ միտքն ինձ չը թողեց։ — Ի՞նչ եմ խօսել արդեօք քնիս մէջ, Գասպարն ինչու էր այնպէս նայում ինձ. յետոյ որոշեցի, որ եթէ իմանար՝ կ'ասէր, երեւի ոչինչ չէ լսել։

Արդէն մութ էր, երբ հարեանները կրկին հաւաքուեցին. Սէփօի տան գուռը փակեցին և բազմութիւնը մէկիկ-մէկիկ բարձրացաւ կտուրը, իւրաքանչիւրը մի փոքր հող փէն ածած։

—Մի ամաչէք, որդիք, ասաց տէրտէրը. մեղքից ազատուելը յանցանք չէ, մեղքի մէջ մնալն է յանցանք. այ, ես էլ հող կ'ածեմ։ Եւ իր երկար վերարկուի փէշի մէջ մի փոքր հող ածած, նա մօտեցաւ երդկին, ընդհանուր ծիծաղի և շնչոցի մէջ առաջինը թափեց հողը. Նրան հետեւց ուէսը, ապա անմիջապէս մօտեցայ ես և թափեցի մի կոյտ հող։ Ի՞նչ ասել կ'ուզէ, որ դրամը չը գցեցի։ Բազմութիւնը շարունակում էր բարձրանալ և իջնել. ես մտքիս մէջ և տանջւում էի իմ արածի համար, և ծիծաղում էի ուրիշների արածի վրայ։ Ծիշտ որ ծիծաղելի էր. խեղճ Սէփօի տունը հողով լցուեց, բայց գեռ քանի մարդ կար։ Կէս գիշեր էր. ճարները կտրած, որոշեցին, որ բազմութեան մնացած մասը յաջորդ երեկոյ ածէ, իսկ այժմ ներս մտնեն, հողը նայեն։ Այդպէս էլ արին։ Փողը չը կար, մնաց մի չնչին յոյս վաղուայ համար. հարեանները ցրուեցին։ Յաջորդ երեկոյ առաջինը Գասպարը մօտեցաւ, իր հողն ածեց, նրան

հետեւցին միւսները. էլի տեսեց մինչև ուշ գիշեր. վերջապէս բոլորն էլ իրանց պարտքը կատարեցին. Տէրտէրը, տանուտէրը և Սէփօն ճրագ վառեցին, ներս գնացին. նրանք ինամբով դուռը փակեցին, և սկսեցին իրանց աշխատանքը. Քիչ էր մնում ճշայի, թէ զուր էք այդքան խառնում, փող չը կայ այնտեղ, ես եմ պահել. և ճշմարիտ, երբեմն ինձ տարօրինակ էր թւում, որ ես այդ շեմ ասում, որ թողնում եմ այսքան իրար անցնեն իզուր տեղը. էլի լոեցի. չէր ասում:

Երկար տեսեց այդ աշխատանքը. Բազմութիւնը դըրսում սպասում էր անհամբեր, անհանգիստ ու հետաքրքիր. սա վերջին փորձն էր. Ոմանք մօտենում էին, ականջները դնում դռան փակին և շունչները բռնած՝ աշխատում էին մի շշուկ, մի յուսատու խօսք լսել ներսից:

—Գտնուեց, գտնուեց, աչքերդ լոյս, յանկարծ լըսուեց տան ներսից. խօսողը, աչքալոյս տուողը ոչսն էր:

Ես համոզուած էի, որ հանաք է անում, ծաղրում է. Շատերի հետ ինքս էլ ժպտացի. Դուրս եկան, երեքով էլ ժպտագէմ, ուրախ, դարձեալ աչքալոյս տուին բազմութեանը, իսկ տէրտէրը ամենայն լըջութեամբ օրհնում էր գողի բարի սիրտն ու ձեռքը. Ես դարձեալ չը հաւատացի. Սէփօն առաջացաւ, ուղիղ յիսուն ոուրին րա ձեռքումն էր. աչքովս տեսայ:

—Իսկ և իսկ այն փողերն են, այն քսանըհինդ ոուրիխանոցները, ասաց նա, ահա, և նա ցոյց տուեց բազմութեանը. ով որ էր՝ շարունակեց նա, էլի ողորմի իր հօրը, թնդ Աստուած նրան ամեննեին չար չը տայ. ինչ որ մեր գլուխը բերեց՝ թնդ նրան ամեննեին չը պատահի. Լացացրեց, լաւ լացացրեց մեզ, բայց լաւ էլ ուրախացրեց. ինձ այնպէս է թւում այժմ, թէ այն սատկած եզն էլ կենդանացաւ.

Բազմութիւնն ուրախ-ուրախ ցրիւ եկաւ. Ամենքն այդ բռպէին մի և նոյն բանն էին մտածում, մի և նոյն բանն զգում. միայն ես էի անմասն ընդհանուրի ուրախու-

թեանը, միայն ես դժոհ մնացի կատարուածից, միայն
ես էի տանջւում ի ներքուստ, և չը գիտեմ ինչ էի
մտածում, միայն գիտեմ որ մտքերս լաւ չէին:

Ես գող էի:

IV

Ո՞վ դցեց դրամը. ո՞վ իր սեփական գրպանից այդ-
պիսի գումար զոհեց. ո՞վ է այդ գթոտ, աստուածավախ
մարդը, մտածում էի ես իմ տեղում քարացած կանգ-
նած՝ երբ բազմութիւնը կամաց-կամաց քաշում էր:
Ամեն մի հեռացող իր ուրախութեամբ, իր ծիծաղով,
իր խաղաղութեամբ տանում էր իր հետ իմ երջանկու-
թեան, իմ հանգստութեան վերջին մնացորդը, ինչպէս և
իմ ատելութիւնը. ես ատում էին ամենքին: Ես ամեն
բան սպասում էի գողութիւնից յետոյ. սպասում էի, որ
ո՞վ գիտէ ինչպէս՝ կարող են իմ յանցանքը ըռնել. որ
գուցէ ես չեմ դիմանայ, կը յայտնեմ: որ մէկը տեսած
կը լինի ինձ մարադում փողը թագցնելիս. բայց որ մէկ
ուրիշ մարդ բերէր փողը տար խղճալով՝ այդ իմ մտքովն
անդամ չէր անցնում, և հէնց այդ անսպասելին էր, որ
ինձ սպանում էր: Յանկարծ մտքովս անցաւ, թէ մի
գուցէ ինձանից մի աւելի ճարպիկը, ո՞վ գիտէ ինչպէս,
իմացել է դրամի թագստի տեղը և բերել է տիրոջը
յանձնել. շտապով գնացի մարադ. — դրամն իր տե-
զումն էր:

Ո՞վ էր ուրեմն այդ տարօրինակ, այդ ողորմած
մարդը. Գասպարը... բայց նա փող չունի, այդ ես շատ
լաւ գիտեմ: Սակայն ով և լինէր՝ ես ատում էի նրան,
այդքան արդարութիւնը, այդքան առաքինութիւնն ինձ
զայրացնում էր, ինչ ասեմ; իմ սիրտն էր ծակում. ես
գող էի, և կ'ուզէի որ մէկն ու մէկն այդ բազմութիւ-
նից գիշերով գար, Սէփօի մնացած մի հատ եղն էլ
տանէր. կ'ուզէի, որ բոլորն էլ դառնային աւազակներ,
մարդասպաններ: Իսկ դրա փոխարէն՝ մէկը սուրբի բան

արեց, իսկ և իսկ սուրբի գործ։ Պարապ, թափառաշըր-
ջիկ մարդն ի՞նչպէս է բարկանում, երբ տեսնում է մէ-
կին արիւն քրտինք թափելիս, կամ հիւանդն ի՞նչպէս
դժուարանում է տեսնել մի առողջակազմ մարդ. ճիշտ
այդպէս էլ ես զայրանում էի այդ բարի գործի վրայ։

Ուշ տուն գնացի. ամաշում էի, չէի համարձակ-
ում Գասպարի առաջ դուրս գալ. կ'ուզէի, որ նա ե-
րեսս չը տեսնի։ Երբ ներս մտայ՝ նա արդէն պառկած
էր, բայց քնած չէր, և ոչինչ չասաց։ Ես էլ չը գան-
դատուեցի մեր բախտից, չը խօսեցի իմ նշանածից, լուռ
էի, ջարդուած ու տիսուր. նա խօմ լուռ էր ու լուռ։
Երկար մնացինք այսպէս. խեզդում էի, ինձ մի ճար
էր հարկաւոր. ես վառւում էի բոցերի մէջ, ես գալար-
ում էի իմ պառկած տեղում։ Ախ, այնպէս կ'ուզէի,
որ Գասպարը իմացած լինէր իմ ոճիրը, ինձ դառն,
կծու խօսքեր ասէր, ինձ անարդէր լացացնելու չափ-
Բայց նա լուռ էր։ Ճարս կտրուեց, էլի ես խօսք բաց
արեցի. ուզում էի իմանալ, թէ նա ի՞նչ է մտածում։

—Տեսնես ով էր տարել այդ փողը։

—Ով և տարել էր, ինչներիս է պէտք, բաւական
է, որ էլի խղճով մարդ էր, բերեց յետ տուեց, Աստ-
ուած իր բանն աջողի։

Քիչ մնաց, նրա խօսքի վրայ ճշամ ասեմ, թէ ալիք
գողը չէ բերել, գողը ես եմ, փողն ուրիշ մարդ է գցել,
ուրիշի փող է. էլի լեզուս փակուեց. Գասպարից էլ էի
վախենում, թէ ուզում էի որ նա իմացած լինի, բայց չէի
համարձակում ինքս ասել։ Վկնակս անտանելի էր. Ես
մոռացայ և նշանածս, և իմ հարսանիքը, և իմ օջաղը.
Միայն այդ դրամը, այդ անիծուած յիսուն ուուրլին մը-
նաց աչքիս առաջ և ինձ քրքրում, տանջում էր. իսկ
Գասպարը հանդարտ պառկել էր, իր բարի աչքերը բաց
ու խուփ էր անում, նայում գէպի վեր, ապա մի քանի
անգամ յօրանշեց և խաղաղ քնեց խորը քնով։ Ես նայում
էի նրան և առաջին անգամ իմ կեանքում նախանձում
էի իմ սիրելի ընկերոջը։

Ես մնացի անքուն։ Բոլոր ուշը ու միտքս այժմ
դարձել էր մի բանի վրայ, թէ ինչպէս գտնեմ այն սուրբ
մարդուն, որ ըերեց իր փողը դժեց երդկից. մտածում
էի տանել յիսուն ռուբլին դնել առաջը, պատմել իմ
գլուխ անցքը, խոստովանել բոլորը, ազաշել, պաղատել,
որ լուռ կենայ, և այսպիսով գոնէ իմ խղճի հանդիսութը
գտնել, թէ չէ այսպէս ապրել չէր լինում։ Բայց ինչպէս
գտնել այդ մարդուն, որ անշուշտ մի արդար էր։ Ես
գիւղում մի այդպիսի մարդ չէի ճանաչում. երեկի կար
մէկը թագնուած, որին ոչ ոք չէր ճանաչում. իսկական
արգարները չեն յայտնուում շատ անգամ։ Ուզեցի Գառ-
պարին զարթեցնել, պատմել և խօրհուրդ հարցնել.
Թափով ձեռքս մեկնեցի և ուսը ցնցեցի։ Նա զարթեց։

—Հը, ինչ կայ, ասաց նա՝ ազքերը բաց ու խուփ
անելով կէս քուն կէս արթուն։ Հէնց երեսին նայեցի,
հէնց ձայնը լսեցի՝ քաջութիւնս փախաւ, դարձեալ շըր-
թունքներս գողգողացին։ ոչ, ես ամբողջ աշխարհին կա-
րող էի ասել, բայց ոչ Գառպարին, այդ անհնար էր,
ուժից վեր։ —«Ոչինչ, քունս չէր տանում, ասացի զար-
թեցնեմ մի ըիշ խօսենք»։

Նա ժպտաց իր մեղմ, բարի ժպիտով։

—Ուեհանն է քունդ կտրել, գիտեմ. քնիր, քնիր,
Ասուուած ողորմած է։ Ասաց և կրկին հանդարտ քնեց.
«Անխիշ զն», մրմրացի ես կամացուկ. արցունքը կոկորդս
սեղմեց և առաջին անգամ ընկերոջս կողքին ես ինձ
զգացի մեհակ, անօդնական, անընկեր, աւելի թշուառ
քան երբ և իցե։

Այսպէս անցան օրեր ու շաբաթներ, փողը մնաց
մարագում, Ուեհանը մնաց իրանց տանն սպասելով, իսկ
ես թափառական, անդորձ, անհանդիսու-

Մի գիշեր, —ճիշտ մի այսպիսի գիշեր էր, դով ու
սիրուն, —ես ու Գառպարը այնտեղ էինք, այ այնտեղ,
առուի այն կողմը. այն ժամանակ Սէփօինն էր այն արտը
և նա բօստան էր ցանել, մենք երկուսով պահում էինք։

Ճիշտ այսպէս, ինչպէս այս գիշեր, նստած էինք քոլիկի մօտ, ճիշտ այսպէս կրակ արած փեղամներ էինք եփում ուտում: Յանկարծ Գասպարն այնպէս ճշաց, այնպիսի ձայն հանեց, որ մաղերս գիզացան գլխիս. մէկ էլ տեղից վեր թռաւ, փախստ հեռու-հեռու, կանգնած տեղը մի քանի պտոյտ արեց և ընկառ խոտերի մէջ՝ ինչպէս սղոցած բարտի ծառ: Վազէվաղ հասայ. մինչեւ կը հարցնէի ինչ եղաւ, ինչ պատահեց՝ նա սարսափած ձայնով ասաց.

— Օձը կծեց, օձը՝ ...

Էլ ոյնչ չասաց, միայն թաւալւում էր խոտերի մէջ, կուրծքը տրորում էր գետնին, ատամներով կրծուում էր խոտը, չանկուում էր հողը, ոռնուում էր անտանելի ցաւից, ձայնը երկինք էր համում: Դաշտում էլ մարդ չը մնաց, բոլորն էլ նրա ձայնից հաւաքուեցին:

— Աթօ, ախափէր, ընկեր, աջքիս լոյս, ազատիր ինձ, աղաչում էր նա. սպանիր ինձ քո ձեռքով, սպանիր:

Հոգիս կտոր-կտօր էր լինում. վազվզում էի այս ու այն կողմը խելագարի նման. մերթ մօտենում էի, բըռնում ձեռքից, պտըտւում էի հետը, կամ թաւալւում գետին, գրկում էի, համբուրում, ապա լալով փախչում էի հեռու: Զեռքն էր կծել, թոյնը դործում էր սարսափելի կերպով. օգոստոսի օդից Աստուած ազատի. ուռոյցքը վայրկենապէս հասաւ մինչեւ ուսը: Մի քանի տեղով պինդ կապեցինք—իզուր. շուտով երեսն ու կուրծքն էլ ուռաւ, իսկ ինքը շարունակում էր աղփողորմ վայել, վայել, հառաչել, այնպէս էր տնքում; քարից, սարից արցունք էր քամում: Շալակեցինք, գիւղ տարանք. մինչեւ լուսաբաց նոյն ձեռվ տրորուեց գետնին, ինքն իր միաը չանգուեց, գալարուեց, ճշաց՝ մինչեւ բոլորովին թուլացաւ: Հոգեվարքին մօտ, կապտած ու այլանդակուած, նա բարձրացաւ վերջին անգամ, ուռած ձեռները մեկնեց վեր-վեր, գէպի երկինք, և հազիւ ասաց նուազած ձայնով.

— Անգութ Աստուած, Քեզինչ էի արել: Ապա վայր ընկաւ և իմ գրկի մէջ շունչը փշեց:

Մենակ էի յուղարկաւոր, երբ տէրտէրի ու ժամանակի հետ նրան տարանք գերեզմանը խոր-խոր, ապա իմ ձեռքով ցած իշեցրի այդ տանչուած մարմինը և հողը վրան ածեցի, մինչդեռ տէրտէրը քաղում էր ազօթքներ: Թումբը բարձրացաւ, բարձրացաւ և ընդ միշտ ծածկեց իր տակ նրան, որ այնքան բարի էր, գթոտ, և որ այնքան տանչուեց առանց վայելելու այս փուչ, անիրաւ աշխարհում, այնքան «ախ» ու «օօֆ» արեց առանց երբեք հասկանալու, թէ ինչո՞ւ իր ցաւի բաժինն այնքան շատ էր: Ես էլ մինչև այժմ գեռ չեմ հասկացել, թէ Գասպարն ինչո՞ւ էր աշխարհ եկել, ինչո՞ւ այնքան ու օր քաշեց և ինչո՞ւ այնպէս տանչանքներով մեռաւ:

Թաղումից տուն վերադարձայ ջարդուած, կիսամեռ, կիսախելագար: Հարուածը սարսափելի էր. աշխատել չեմ կարողանում այլ ես. ցաւիս մէկը հազար դարձաւ և կրկին թափառական ընկայ սար ու ձոր նրջում էի յատկապէս այն տեղերը, ուր նա եղել էր, պառկել, այնտեղ՝ ուր նա գալարւում էր ցաւից և անիծում իր օրն ու կեանքը: Այժմ ես արդէն իսպատմենակ էի աշխարհում, օտար, անտուն, անտէր, թափառական: Շատ անգամ գիշերով թէ ցերեկով գնում էի, նրա գերեզմանը գտնում, նստում էի կողքին, արտառում, հառաջում, երբեմն էլ թմրում և քնում հողաթմբի վրայ մինչև լուսաբաց:

— Տէր Աստուած, մտածում էի ես. փողը ես գողանամ, օձը Գասպարին կծի, իմ խեղճ, իմ բարի Գասպարին. ուր է արդարութիւնը, ուր է հատուցումը:

Ընկերոջս մահը սակայն մի հարց լուծեց ինձ համար. ես այժմն այլ ես չեմ փնտրում փող տուողին. պէտքս չէր իմանալ, թէ ով է այդ մարդը, որովհետեւ փողը յետ տալու մտաղրութիւն չունէի այլ ես: Եւ ինչո՞ւ յետ տամ; մտածում էի, ինչո՞ւ համար բարութիւն

իշեր, նստած էինք քոլիկի
ամեմ, միթէ կարող են այնպէս ճշաց, այնպիսի
ճշմարիտ, որքան Գասպարէզան գլխիս. մէկ էլ տե-
նից, ինչպիսի մահով մեռւչեռու, կանգնած տեղը
մէջ. ոչ, ոչ, ես փողը ոչ միայստերի մէջ ինչպէս
կարողանամ. էլի կը գողանամ, այ. մինչեւ կը հար-
սար ու ձոր կ'ընկնեմ, կը խլեմ, կարսափած ձայ-
երկնքի առաջ բարի լինեմ թէ չաւ
նարդար. գողի և առաքինի մարդում,
բութիմ չէ դնում, էլ ինչու գթոտ, ոսոտերի մէջ,
լինեմ, ում համար և ինչու համար. ուր էծոտում էր
ուր է արդարութիւնը. Այսպէս էի մտածելի ցա-
օրեր ու շաբաթներ։ Գասպարի այլանդակուարդ չը
կերն աչքից չէր հեռանում. ես տեսնում էի
տած ուռած ձեռները դէպի երկնք բարձրացւ ինձ,
լսում էի նրա նուազած ձայնը, նրա վերջին ճիշ-
ջին բողոքն Աստուծոյ դէմ իր սոսկալի մահուանց ու
մար։

Գասպարի մահից մի քանի շաբաթ յետոյ մի եւ-
կոյ նրա գերեզմանի վրայ տեսայ խունկ կար ծէի
թարմ խունկ էր, գեռ կրակը չէր մարել. գեռ մի եւ-
րակ, անուշահոտ ծուխ բարձրանում էր դէպի վեց-
բուրմունքով լցնում չորս կողմը. Մնացի զարմացած լով
ինձ հարցնելով, թէ ով կարող էր լինել այս անյուն-
անձը, որ կապուած էր այս անտէր գերեզմանի հե,
ով ունէր Գասպարն աշխարհում բացի ինձանից. Եր-
մի գթասիրտ կին է. մտածեցի ես, որ իր մեռելի վր-
խունկ ծխելուց յետոյ այս անտէր գերեզմանի վրա շ-
էլ մի փոքր ծխել է, ուրիշ կերպ լինել չէր կարող, թէ չպ-
ում հոգն էր կտրուել յատկապէս գալ նախրչուն խուն-
ծխել։ Գիւղերում նախրչուն ճանաչում են ամենքը՝
բայց նրան հոգացող, նրա վրայ ցաւող մի հոգի չի լին-
ինչ ասել է մի նախրչի, նա իր պահած մի հատ կովից
աւելի քիչ արժեք ունի։

Անցան դարձեալ օրեր. մի գիշեր էլի շատ այս ու-
այն կողմ թափառելուց յետոյ, քայլերս ուղղեցի դէպի

գերեզմանատում։ Դեռ չէի հասել, երբ հեռուից ականջիս մի կանացի լացի ձայն հասաւ, որ գալիս էր գերեզմաններից։ Աշանային խաւար գիշեր էր, երկինքը մառախլապատ, օդը ցուրտ։ Քիչ հեռու հազիւ տեսնում էի գերեզմանափարերը մեծ ու փռքը, զանազան ձեռքով, կարծես մեռելներ պառկած լինէին։ Այսպէս չէ, գիշեր ժամանակ գերեզմանները իսկ և իսկ մեռելների պէս են, զարդանդ ունեն։ բայց ես չէի վախենում, ես մեռելից երբէք չեմ վախենում։ Բայց ով էր այդ սգաւոր կինը, որ սիրտ էր արել մէն-մենակ գերեզմանները գալ այսպիսի մթով, ինչո՞ւ էր գիշերով եկել իր մեռելը սգալու, մտածում էի ես՝ կամաց-կամաց առաջանալով։ Յետոյ քայլերս իսպառ ծանրացրի։ Կինը շարունակում էր իր սուզը. նա այնպէս էր հեծկլտում, այնպէս էր հառաջում, որ կարծես բոլոր մեռելները դուրս էին թափուել գերեզմաններից և ականջ էին դնում այդ ողբին և նրան ձայնակցում, լալիս Զարմանը բռնեց ինձ, երբ մի փոքր էլ մօտենալով՝ նկատեցի, որ այդ խորհրդաւոր կինը արտասաւում է հէնց Գասպարի գերեզմանի վրայ։ Քարացած մնացի. հրեշտակ էր իջել երկնքից և լալիս այդ անտէր գերեզմանի վրայ, թէ մի ծածուկ բարեկամ, որի մասին ես ոչինչ չը գիտէի։ Սգացողը արտասանում էր նաև բառեր, բայց այնպէս մեղմ, այնպէս տխուր, որ կարծես մեռելների ականջն էր փափսում, նրանց էր գանգատում, նրանց էր աղաչում։ ձայնն էլ այնպէս ցաւոտ էր, որ կարծես հօդին կտոր-կտոր դուրս էր քաղում նրա մրմնջոցի հետ և բարձրանում վեր, խաւարի մէջ նրա ախ ու վախից երակներիս մէջ դող էր անցնում։ Ես կծկուեցի մի քարի կողքի, որ չը խանգարեմ նրան, և ինքս էլ արտասուեցի, դառն, դառն արցունքով։

Կինը երկար արտասուեց, ապա վերջին անգամ կռացաւ հողաթմբի վրայ, մի փոքր մնաց այդպէս անձայն, յետոյ վեր կացաւ, շարժուեց գէպի գիւղ։ Նա առաջովս անցաւ, բայց ինձ չը տեսաւ. իր շուրջը չէր

նոյզում, շտապում էր, երկի վախենում էր խաւարից, գերեզմաններից. հեշտ բան չէ, մենակ մի կի՞ն դիշեր ժամանակ մեռելների մէջ: երբ նա մի փոքր հեռացաւ եւ վեր կացայ և զգուշութեամբ հետեւեցի նրան. պէտք էր իմանալ, թէ ով է նա և ուր է գնում: նա գողունի քայլերով դիւդ հասաւ և մտաւ մի տուն: Այդ տունը ես ճանաշում էի, Սօնայի տունն էր. բայց ինքը Սօնան էր արտասուող կինը, թէ մի ուրիշը, որ այնտեղ մտաւ: Այդ պէտք էր ճշտել: Յաջորդ շաբաթ երեկոյ խունկը դարձեալ ծխուած էր գերեզմանի վրայ. կինը դարձեալ սգում էր նոյն ժամին. ես նորէն հետեւեցի. նա մի և նոյն ճանապարհով գնաց, անցաւ եկեղեցու առաջից, անցաւ գիւղի առուի կամուրջը և ներս մտաւ նոյն տունը: Այլ ևս ոչ մի կասկած չը կար, որ Սօնան էր:

Ի՞նչ կապ կար արդեօք Սօնայի և Գասպարի մէջ: Այժմ այս խնդիրն ինձ զբաղեցրեց:

V

Սօնան մի այրի կի՞ն էր, աղքատ ու խեղճ, որ ապրում էր մի փոքրիկ տան մէջ իր երկու որրերով: Հենց այդ տան դռանն էր հաւաքում Գասպարը գիւղի նախիրը ամեն առաւօտ գաշտ քշելուց առաջ: Սօնան գիւղում ամենքին էլ յայտնի էր իր զարմանալի գժբախտութեամբ: Տներ կան, ուր երբ սուզը մտնում է՝ էլ չէ դուրս գալիս, մինչեւ վերջին դիակը գերեզման տարուի: Այսպիսի մի տուն էր այդ խեղճ Սօնայի հերանց տունը, որի աստղը թեքուել էր. իջաւ իջաւ, ու մարեց խսպառ: Մի քանի տարի շարունակ Սօնան սկի ու սկի մէջ կորած էր. մէկ մէկի յետեկց կորցրել էր հայր, մայր, եղբայրներ և վերջը հօր օջաղի բանալին կտուրը գցած էր հեռացել: Գիւղերում շատ օջաղ է այսպիս մարում: Խնչու այդպէս, ես հասկանալ չեմ կարողացեր գեռ: Քիչ յետոյ Սօնան կորցրել էր ամուսնուն, այրիացել. այդ այն ժամանակն էր, որ ես ու Գասպարը ձեր

գիւղը հասանք։ Գիւղացիք այնքան անդամ տեսան նրան
եկեղեցում գագաղի վրայ սգալիս, որ ի վերջոյ անունը
դրին Լալկան-Սօնա։ Եւ ճշմարիտ, լացը նրա համար
գարձել էր այնպէս սովորական, որ շատ անդամ նա
եկեղեցի էր գալիս հարևանի աղիղ մեռելը ողբալու. իսկ
երբ Սօնան այնտեղ էր՝ ամենքը լուսում էին, միայն նրա
բարակ ու տխուր ձայնն էր լուսում. նա երգում էր ա-
մենքի ցաւը «գարդոտ բայեաթիներով», իսկ միւսները
հեկեկում էին։ Նա ամբողջ գիւղի լալկանն էր։ Զահել
կին էր, բայց նստել էր իր թոնրան շրթին իր երկու
որբերի համար, ասենք մարդու մորքով էլ չէր անցնում,
թէ Սօնան նորէն կ'ամուսնանայ. նա լացից, սգից աչք չէր
բաց անում։ Այրի կնկայ բանը դժուար է, երբ այլ ևս թե
ու թիկունք չունի. Սօնան էլ ապրում էր սկ օրով,
գիւղի մեռեների շրերը շատ անդամ նրան էին ու-
զարկում, ժամի հացից էլ բաժին էր համառում։

Մի առաւօտ ես կամացուկ նրա դուռը բաց արի
և ներս մոռայ։

—Բարի լրյս, Սօնա քուրիկ։

—Աստուծու բարին, ախպէր, պատասխանեց նա
զարմացած։

—Առ այս շորերը, քոյրիկ, ողորմի տուր տիրոջը.
ախպէրս մեռաւ, նրա հագուստն է, երեխաներիդ հար-
կաւոր կը գայ, և մի կապոց գրեցի նրա առաջ։

Նա մի քանի քայլ առաջ եկաւ, զարմացած նայեց
կապոցին, նայեց ինձ, յետոյ յանկարծ մօտեցաւ, առաջ-
առաջ արձակեց կապոցը, դուրս քաշեց մի արխալուզ,
նայեց, կռացաւ վրան և սկսեց գառն, գառն հեկեկալ։

—Իմ խեղճ, իմ սեաւոր Գասպար, ճչաց նաւ։

Ես ինձ զսպել չը կարողացայ. մենք մեղ մոռացած՝
մի ժամանակ երկասով էլ կռացել էինք կապոցի վրայ և
արտասուռմ էինք։ Մենք քոյր եղբայր գարձանք կար-
ծես մեր ընդհանուր ցաւով։

—Քոյրիկ, թէ ծածկես էլ, իզուր է, դու ես խունկ

ծխումնրա գերեզմանի վրայ շաբաթ երեկոները, դու
ես սուզ ասում գիշերները:

—Աշխարհից ծածկեմ՝ քեզանից ինչ ծածկեմ. ես
գիտեմ, որ երկսով էլ ղարիբ էիք, երկու ախտէր Հա, ես
եմ. կոտրած ձեռքովս եմ խունկ ծխում, կուրացած աշ-
քերովս եմ արտասումնրա գերեզմանի վրայ: Խեղճ,
անտէր մեռել: Հօրս տունը հեղեղն եկաւ տարաւ. «Փա-
լագը քիւլը» քամուն տուեց, քանի գագաղ գովեցի,
քանի «բոյով-բուսաթով» տղամարդ հողը դրեցի. իմ
տանն էլ սև հագայ, գլխաւորս գլխիցս թռաւ, «շիւան»,
«տուման» բռնեց վրաս: Ես մնացի խեղճ ու կրակ ու
գարձայ լալկան Սօնա, աղքատ, այրի Սօնա. սև հագայ,
սևով ապրեցի, արցունկով գոների հաց կերայ, մինչև
որ Գասպարին ճանաչեցի: Ախս, ախտէր, թաղ սև դառ-
նար այն օրը, նրան էլ չը տեսնէի՝ քանի որ ջիւան-ջի-
ւան հողը պիտի գնէի: Նէ ես ըէխէր «բայզուշ» եմ,
ինձ մօտեցողը խէր չի հանի. Գասպարն էլ իմ սեռով գը-
նաց, բա ես ինչո՞ւ չեմ մեռնում, Աստուած: Երեք տա-
րի է, որ ես ու որբերս միայն Գասպարի աշխատանկու-
վըն ենք ապրում, նա իմ նշանածն էր:

Ես ականջներիս չէի հաւատում, քարացած մնացի:

—Զարմանում ես, չը. իրաւունք ունիս: Մէկ մենք
երկսով գիտէինք, մէկ Աստուած. մի օր այս երեխան
ընկել էր գուան առաջի առուն. Գասպարը մտել էր ջու-
րը, հանել. բերեց տուն, ինձ նայեց, մնաց սառած. ո-
չինչ չասաց ու թողեց և գնաց: Այնուհետև էլի մի ան-
գամ եկաւ ինձ խնդրեց, որ շորերը կարկատեմ, լուանամ,
երեխաների համար էլ բան էր գնել: Էլի նայեց ինձ ու-
զեց մի բան ասել, ու գնաց լուռ: Ես տեսնում էի, որ
ուզում էր շուտշուտ գալ, բայց որպէս զի գիւղում չը
խօսեն, գաղարեց. երեխային ուղարկում էի, շօրերը բե-
րում էր, լուանում էի ու կարկատում, նրա փոխարէն մեղ
հոգում էր: Թէ ինքն էլ գալիս էր՝ միշտ զգուշութեամիւ,
որ մարդ չը տեսնի, նստում էր թօնքան շրթին, մնում
էր լուռ, մի խօսք չէր ասում, միայն «ախ» ու «օֆ» էր

անում, նայում էր ինձ, նայում էր, աչքերը լցւում էին, ու թողնում գնում: Ես երկար ժամանակ չը գիտէի, թէ նա ինչու էր այդպէս նայում, ինչու էր տիռուր, ինչու էր սիրուր լցւում, երբ ինձ տեսնում էր: Մի օր ինքն աշուց. «Գիտես, Սօնա, դու այնպէս նման ես մէկին, որին կորցրի մեր վէրան երկրում, և նրա դարդից «աւարական» ջրերը խմեցի, ընկայ զարիբութիւն»:

—Քոյրս, իմ հարազատ քոյրը, Դասպարի նշանածն էր, ասացի ես. անօրէնները փախցրին, Սօնա քոյրիկ: Դու ինչքան նման ես նրան, երեխ ախզօրս մահով աշքերիս լոյսն է խաւարել, որ ես իսկոյն չը տեսայ այդ: Եւ ճիշտ որ նմանութիւնը զարմանալի էր:

—Յետոյ, շարունակեց Սօնան մի փոքր կարմրելով, էլի մի քանի անդամ գնաց եկաւ, խօսք տուինք իրար, ասաց՝ քո երեխանների հայրը կը լինեմ: Զգոյշ էր ու լուռ. մինչև, ասում էր, Աթօին պսակենք, յետոյ մեր մասին կը մտածենք: Աշխատած փողի մի մասը, ինչ որ կարողանում էր սրանից նրանից առնել՝ բերում էր ինձ պահ տալիս քո հարսանիքի համար, մահից մի քանի շաբաթ առաջ արդէն յիսուն ոռութի կար: Երբ Սէփօի փողը գողացն՝ նրա կնկայ լացն ու շիւանը տեսել էր. տխուր-տրտում տուն եկաւ, յիսուն ոռութին առաւ գնաց, էլ յետ չը բերեց: Օրեր յետոյ, երբ շատ նեղեցի, ասաց, որ տարել է Սէփօի երդկից ցած է ձգել, որովհետեւ, ասում էր, գողացողը...

—Կաց, կաց, էլ մի պատմի, Սօնա, ճշացի ես սիրտըս բոնած: Էլ չեի կարող լսել. դուրս թռայ տնից և ուղիղ գնացի եկեղեցու բակը: Նստեցի տանը, երկար, երկար մտածում էի: Գասպարն է ձգել փողը. նա իմացել է, որ ես եմ գողացել. նա հասկացել է իմ տանշանքը, երեխ քնիս մէջ խօսել եմ և մատնել ինձ այն գիշերը. երբ բունս չէր տանում, երբ նա ինձ նայեց և ծանր ախ քաշեց: Եւ նա մեռաւ վշտացած, որ իր ընկերը գող է, աւազակ: օձից առաջ ես եմ խոցել նրա սիրուրը: Եւ այդ փողը նա ինձ համար է հաւաքած եւ

զել, սրա համար էր կրկնում՝ «Աստուած ողորմած է»։ Սօնայի հետ կապուել է և լուռ է կացել. սպասել է իմ սկըսուն, չարչարուել է իմ սիրուն. խոկ ես... ինչ արեշ ցի նրա համար, ինչ տուի նրան. — միայն մի նոր վիշտ իմ գողութեամբ։ Տէր Աստուած, այսքան արդարութիւն, այսքան գութ, սէր, զոհ. հապա ինչու, օձը նրան կծեց, մրմնջում էի ես, եկեղեցուն նայելով, ծունկ չոբած քարերի վրայ. ինչու ինձ չը կծեց. չէ որ ես էի արժանի այդ պատժին և ոչ թէ նա։

Ցաւիս մէկը հազար գարձաւ և մնացի մտքերի ծովի մէջ։ Երեկոյեան ժամերգութեան եկեղեցի մտայ, ծնկներիս վրայ ընկայ, գլուխս ձեռներիս մէջ առայ և անդադար կրկնում էր։

— Աստուած, ինչու օձը Գասպարին կծեց, ինչու ինձ չը կծեց. չէ ես էի գողը, նա արդար էր։

Ժամաւորները դուրս գնացին. մնացի մենակ տէրտէրի հետ։ Մօտեցայ։

— Տէրտէր, խոստովանութիւն ունեմ։

— Չոքիր, որդի։

— Տէրտէր, Գասպարին յիշում ես։

— Օրհնած, երէկ օձը կծեց խեղճ անճարին, ապա մոռանալ կը լինի։

— Ի՞նչպիսի մարդ էր։

— Բարի, քրիստոնեայ մարդ էր, իր ցաւին, իր աշխատանքին։

— Միայն այդքան, տէրտէր, սուրբ մարդ էր, սուրբ մարդ։

— Թա՛ղ սուրբ լինի, որդի, ես չեմ ուզի։

— Ապա որ սուրբ էր, ինչու օձը կծեց։

Տէրտէրը մի փոքր լուռ մնաց, զարմացած նայեց երեսիս։ Այսպիսի հարց երկի չէր սպասում։

— Որդի, դու ասացիր, որ խոստովանութիւն ունես. այսպիսի խոստովանութիւն չի լինի։

— Կը լինի, տէրտէր. Գասպարը ճշմարիտ, արդար մարդ էր, ինչու օձը կծեց։

— Ե՞ն, որդի, Աստուծու բանն է. մենք մեղաւորներս
ինչպէս իմանանք: Մենք ի՞նչ կարող ենք ասել, թէ նա
արդար էր, ով գիտէ, մարդու այնքան ծածուկ մեղքեր
ունի, այնքան ծածուկ յանցանքներ է գործում:

— Տէրտէր, ես նրա ծածուկ յանցանքներն ել գի-
տեմ, այն ել ասեմ: Սէփօի յիսուն ռուբլին ես էի գո-
զացել, այս ձեռքովս էի գողացել. իսկ երդկից փողը
Գասպարն է գցել, այսօր իմացայ. իր դառն քրտինքի
արդինքն է բերել տուել Սէփօին, որ նրա լուծը գե-
տինը չը մնայ, որ նրա կինը չարտասուի. նա այդ արել
է առանց ոչ ոքի ասելու: Այս է Գասպարի ծածուկ
մեղքը: Դէ, ասա, այդ ինչպէս եղաւ, որ փողը ես գո-
զացայ, մեղքը ես գործեցի, իսկ այն արդարին օձը
կծեց, ինչո՞ւ. ուր է արդարութինը, ուր է հատուցումը,
բարի գործին հատուցում չը կայ...

Տէրտէրը էլի մի քիչ լուս մնաց: Նա շուարել էր,
չը գիտէր ինչ պատասխանել. մի քիչ հազար, միքուքը
շտկեց, վերջապէս ասաց.

— Ե՞ն, որդի, էլի Աստուծու կամքն է, նրա ողոր-
մութիւնը մեծ է, հատուցման ճանապարհները անչափ. թէ որ արդար էր Գասպարը՝ իր վարձքը կը ստանայ եր-
կնքում:

— Երկնքում:

— Հա, ի հարկէ երկնքում: աշխարհն ինչ է որ. աշ-
խարհը որ կայ՝ փուչ, ժամանակաւոր ընակարան է, ան-
ցաւոր է:

— Հիմա ինչպէս իմանանք, որ նա գոնէ երկնքում
չէ տանջւում, որ նա վարձատրուած է, որ նա բախտա-
ւոր է:

— Պէտք է հաւատալ, որ նա բախտաւոր է:

«Պէտք է հաւատալ, որ նա բախտաւոր է», կրկնե-
ցի ես և գուրս գնացի. այնուհետև էլ ժամ չը գնացի:
Խնձ ասացին՝ «անհաւատ է»:

Անցնում են տարիներ. ես ամեն շաբաթ կէս գի-
շերին գնում եմ չոքում Գասպարի գերեզմանի վրայ,

լալիս եմ, հառաջում, երկինք եմ՝ ազաղակում, ապա-
չում եմ Դասպարին, որ նա ինձ ասի, թէ ինքն
ինչպէս է երկնքում, աշխարհում կրած տանջանքնե-
րից յետոյց Նա դեռ ինձ ոչինչ չէ ասել, ես դեռ ըս-
պասում եմ, ինձ դեռ ասում են «անհաւատոյ» Իրօք ինձ
պիտի գող անուանեն. քանի՛ տարի գողովթիւն արի այ-
նուհետեւ, աւազակներին ընկեր դարձայ: Հարեւաննե-
րից ում հաւը կորչէր՝ ես էի գողացել. բոստանները ես
էի ոտի տակ տալիս, այդիները ես էի կողոպտում, մո-
լորուած անասունները ես էի տանում ծախում քրդե-
րին: Եւ ես չէի բռնւում, չէի պատժում, միայն օձից
էի վախենում, ուրիշ ոչնչից: «Երեխ ունեւորի մալլ չու-
նեորին հալալ է», մտածում էի ես, այլապէս ինչո՞ւ եր-
կինքը չէ պատժում ինձ, նոյն իսկ դաշտերի պահա-
պան էի:

Մի օր հեռու, գիւղի դաշտերի ծայրում պատահեցի
նոյն մուրացկանին, որին տեսել էի մի անդամ տարի-
ներ առաջ, յիսուն ոռւբլին գողացած օրու Նա այժմ ա-
ւելի խղճալի էր, աւելի ծեր ու մաշուած. տարիների
տանջանքը, ու օրերի շարքը աւերակ էին գարձել նրա
մարմինը. Նա հաղիւ էր քաշ տալիս ինքն իրան ոսկոր-
ները կարծես ծանր էին դալիս նրան: Էլի երկու փայտ
ունէր թևերի տակ, էլի մի պարկ ուսին, միայն այժմ
փայտերն աւելի կոկուել էին անվերջ գործածութիւ-
նից, իսկ պարկն էլ աւելի մաշուած, պատռառուած էր.
Այն էլի հաց կար:

Նա էր, նոյն ողորմելի մուրացկանն էր, քանի՛ տարի
էր թափառում: Այս անդամ չը բարկացայ վրան. Ես
ուրախացայ նոյն իսկ, որ պատահեցի, և գիտէք ինչու.
Կը զարմանաք, որ ասեմ. Ես որոշեցի այդ թշուառին
կողոպտել. Ես վաղուց էի ուզում մի այնպիսի բան ա-
նել, որ երկինքը գլխիս ճայթի, կամ երկիրը պատա-
ռուի, ինձ ներս տանի, թէ աշխարհում չարութեանը պա-
տիժ կայ: Ունեւորին կողոպտելն ինչ մեղք, մտածում էի
ես. պէտք է այս թշուառին կողոպտել, որ երկնքից քար-

ընկնի գլուխուա ես պատիժ էի ուզում, պատիժ խնդրում երկնքից:

Մօտեցայ. նա ճանաչեց ինձ, բայց էլ չը վախեցաւ. նրա կարծես փոյթը չէր, թէ ինչ կ'անեն իրան, կեանքից յոգնած էր, երեւի. դա մի բեռ էր, որ քաշ էր տալիս ակամայ, իսկ ես... ես գող էի, ես պատիժ էի փընտրում:

—Հէ, բարեկամ, ասացի, էլի պատահեցինք:

—Հա, պատահեցինք, պատասխանեց նա անտարբեր:

—Դու էլի՞ այնպէս ես:

—Չէ, ասաց, ես էլ այնպէս չեմ, ես այժմ լաւ եմ.

Դու ես էլի այնպէս:

Ակնարկը հասկացայ. աւելի լաւ, որ ինձ բարկացնում էր.

—Հա, ես էլի այնպէս եմ, պարկումդ ի՞նչ կայ:

—Պարկումս... պարկումս ոսկի կայ, լիքն է, դուզացել եմ. չես լսում գնդգնդոցը: Նա թափ տուեց. պատառուածքներից հացի փշրանքներ ընկան:

—Գիտես, դու մի անգամ իմ ձեռքից պրծար, բայց էլ չես պրծնի, ասացի: Պատասխանի փոխարէն նա միայն տարօրինակ կերպով ժպտաց:

Ես խլեցի նրա պակը կոպտութեամբ, յետոյ մի ձեռնափայտը դուրս քաշեցի թևի տակից, ապա միւսը: Նա մնաց երերալով կանգնած: Նայում էի:

—Ես հիմա ի՞նչպէս գնամ, մութն ընկաւ, դիւզը հեռու է, ասաց նա հանդարտ:

—Ի՞նչպէս ուզում ես՝ գնա, դէն, սողա օձի պէս, ասացի և թափով հրեցի. ընկաւ երեսի վրայ:

—Օ՛, հանգիստ կաց, ես չեմ սողայ. շատ սողացի արդէն, կը մնամ այսպէս, թնդ գազանները դան պատառուեն: Իսկ դու Աստուծուց չես վախենում, գիտեմ: Թնդ գոնէ խիղճդ դազան դառնայ, քեզ պատոի. խիղճ էլ չունիս...

Նա սկսեց հեկեկալ: Ես նայում էի, ես լսում էի, Ես բար դարձայ իմ տեղում: Երկար տարիներից յետոյ

առաջին անդամ ես զգացի, որ իսկապէս ոճրագործ եմ:
 Նրա հեծկլաոցի ձայնը թափանցում էր մինչև հոգուս
 խորքը: Ծեր միրուքի վրայից թափուող արցունքները
 կաթիլ-կաթիլ ընկնում էին իմ կոշտացած սրտի վրայ և
 քանդում էին նրան: Հին օրերի լացս եկաւ, աչքերս
 լցուեցին, շտապով պարկը և փայտերը տարայ կողքին
 գրեցի ու փախայ առանց յետ նայելու: Փախչում էի,
 բայց ականջներումս գեռ լսւում էր նրա հեծկլաոցը:
 Նրա լացի ձայնն ինձ հալածում էր: Փնտրածս պատիժը
 գտայ: Ես էլ գող չեմ»:

Վերջացրեց Աթօն, վեր կացաւ, հրացանն առաւ ու
 գնաց: Լուսաստղը բարձրացաւ արևելքում:
 Արշալոյսը հեռու չեր:

Ա. Ա. Ա. Ա. Ա. Ա. Ա. Ա. Ա. Ա.